السيد محمد صابر

الدنيا حالها كده

مسرحية

الطبعة الأولى 2017

بطاقة الدنيا حالها كدة

عنوان المؤلّف: الدنيا حالها كدة

المؤلّف : السيد محمد صابر التصنيف : مسرحية

رقم الإيداع : 2017/20443

عدد الصفحات : 86 صفحة

رقم الإصدار الداخلي: 38

تاريخ الإصدار الداخلي: 2017/10 طبعة أولى

تصميم الغلاف والتنسيق: دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الابموافقة كتابية وموثقة من الشاعر

دار النيل والفرات للنشر والتوزيع

سجل تجارى: 58365

بطاقة ضريبية: 35-01-572-0031-5-165 رقم التسجيل: 544-662-202

E-mail: alnile waalforat@yahoo.com

twitter: النبل و الفرات

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

ر من رمضان - مجاورة ١٣ - عقار ٢٠٤ - الدور الثاني - أمام سنتر ١٣



الإهداء

إلى أبى وأمى من هم سببا لوجودى الى زوجتى الحبيبة وشريكة عمرى الى أبنائى وأحفادى الى أبنائى وأحفادى الى أصدقائى وأقاربى الى كل من تهمه كينونتى ووجودى أهديكم جميعا ثانى أعمالى المسرحية متمنيا من الله عز وجل أن تنال إعجابكم وأن أكون قد إستطعت أن أعبر فيها عما يدور حولنا من أحداث جعلت الدنيا حالها كده

المؤلف السيد محمد صابر

الممثلين حسب الظهور على المسرح

الدور

1- الحد

2- الجدة

3- أم رفعت (زوجة الإبن)

4- إخلاص (الإبنة الكبرى)

5- رفعت (الإبن الأكبر)

6- عادل (أمين الشرطة)

7- صالح (مدرس الرياضيات)

8- الأب (الأستاذ شفيق)

9- سوسو (أخر العنقود)

10- سمير (فنان تشكيلي واهم)

11- شريفة (الممرضة)

12- فايق (طألب الثانوية)

13- عسكري القسم

14- الدكتور أشرف

15- عصام (الإبن الغائب)

16- عبد الرحمن

17- أم عبد الرحمن

18- زُوجة رفعت

19- زوجة صالح

20- طُفُلُ رفعت (عمره سنتين)

21- طفلين حديثي الولادة (توأم أخلاص)

-A-

مسرحية الدنيا حالها كده

تدور الاحداث فى منزل يضم كل أفراد العائلة الجد والجدة للأب إلى جانب الأم الضعيفة الجاهلة التى ليس لها أى اهتمامات سوا رعاية بيتها وتجهيز الطعام والشراب للجميع الى جانب تسعة ابناء هم حسب الظهور على المسرح:-

1- إخلاص: البنت الكبرى والتى تعانى من مشكلة العنوسة حيث بلغت من العمر 35 عاما ولم تتزوج بسبب عدم توافر فرصة زواج مناسبة لها وهى حاصلة على ليسانس الحقوق ولكنها لم تعمل بالمحاماة ولم تتح لها فرصة العمل الحكومي بسبب تقدير مقبول التى حصلت به على ليسانس الحقوق.

2- رفعت: الأبن الثانى فى الترتيب وهو شاب حصل على معهد فوق المتوسط (معهد فنى تجارى) يبلغ من العمر 33 عاما أنهى فترة التجنيد منذ فترة ولم يجد عملا مناسبا فيعمل فى اى شئ يتاح له حتى وصل به الحال إلى احتراف النصب

3- صالح: وهو شاب في 30 من عمره أدى الخدمة العسكرية بعد أن حصل على بكارليوس تربية في الرياضيات ويعمل مدرس فى إحدى المدارس الإعدادية ويعمل طوال اليوم في إعطاء الدروس الخصوصية في منازل الطلاب

4- عادل: شاب في ال27 من عمره يتمتع ببنية جسمانية رائعة مما اهله لدخول معهد أمناء الشرطة بعد دبلوم التجارة ليصبح أمين شرطة في إدارة المرور لكنه يتعامل مع وظيفته على أنها منجم ذهب تدر علیه پومیا مبلغا لاباس به پحاول ان یکون هو الأمر الناهي في البيت لما يقدمه للأسرة من دعم مادى ويرفض الزواج بشكل قاطع.

5- سمير: وهو شاب في 25 من عمره لم يؤدي الخدمة العسكرية وحصل على المعافاة لعدم اللياقة الطبية بسبب ضعف نظره الشديد الذي حرمه ايضا من العمل في اي وظيفة حكومية وحاصل على ديلوم صنايع قسم زخرفة ويخيل اليه انه فنان تشكيلي من طراز نادر وبنتظر الفرصة للظهور

6- شريفة: الأبنة الثانية في 23من عمرها وهي حاصلة على دبلوم تمريض وتعمل في إحدى المستشفيات الحكومية وتعمل أيضا مع الدكتور أشرف أخصائي النساء والتوليد في عيادته الخاصة والتي يقوم فيها بإجراء العمليات المحرمة لما تدر عليه من دخل كبير يفي بمتطلبات زوجته التي تود العيش دائما في رغد ورفاهية دون النظر من أين تأتي الأموال.

7- عصام: توأم شريفة في 23 من عمره وهو شاب رافض لكل شئ حوله لجأ إلى الجماعات الدينية المختلفة للهروب من واقع يعتبره او يصفه بأن متخلف وكافر بفعل الافكار التي إكتسبها من الدروس والمحاضرات التي يحضرها لهؤلاء رغم تفوقه العلمي والدراسي ترك الجامعة من عامها الاول ويرفض أداء الخدمة العسكرية لإعتقاده أنها غير مجدية فالجهاد ليس بالجندية وله طرق واساليب اخرى.

8- فايق: وهو شاب فى العشرين من عمره مازال فى الثانوية العامة لانه يتعامل معها على ان المواد الدراسية لكل سنة يجب ان تكون لعامين وليس لعام واحد وينحدر الى ادمان المخدرات معتمدا على دعم

اخته شريفة المادي الدائم له.

9- سوسو (سماح): هي البنت الصغرى وأخر العنقود في السادسة عشر من عمرها لا تشعر بأي أهتمام عائلي فالكل مشغول عنها بما لديه من مشاغل ومشكلات تجد ما تريد من خلال شبكة التواصل الاجتماعي الفيس بوك

الفصل الأول

المشهد الأول

المسرح: بيت الأستاذ / شفيق عبد المتجلى الأب الديكور: صالة الشقة بها بعض المقاعد وعدد 2 كنبة بلدى على المسرح يظهر بصفة دائمة في الخلفية الجدة والجد كل منهما يجلس على كنبة في وضع الشارد ذهنيا وكأنه يحاول أن يتذكر شئ من الماضي.

الجدة : ياترى ياشفيق يابنى نتيجة الثانوية العامة بتاعتك ظهرت ولا لسة؟ ولو كانت ظهرت نجحت ولا لا؟ ولو نجحت هتجيب المجموع اللى يدخلك كلية الطب ولا لا؟ ثم تشرد من جديد

الجد : ياترى لو روحت الشغل النهارده هاقبلها وأشوفها تانى؟ ياترى هتيجى تطلب اخلص لها الورق زى ما وعدتنى ولا ايه؟ انا لازم أشوفها لازم هههههههه تدخل فى هذه اللحظة أم الأولاد زوجة الأستاذ شفيق عبد المتجلى أم رفعت سيدة فى الخمسين من عمرها تظهر عليها علامات البلاهة والجهل فى ملبسها وطريقة حديثها لتسأل الجد والجدة أن كانوا فى

• ايوه ياما بتنادي عايزة حاجة عايز حاجة يابا؟ أم رفعت

فلا يرد عليها أحد تعيد السؤال مرة ومرات دون رد تقوم بحمل بعض بقايا الطعام من أمامهما وتنصرف

إلى المطبخ.

يرن جرس الباب لتظهر إخلاص البنت الكبرى شابة في ال35 من عمرها لم تتزوج تساعد امها في الاعمال المنزلية وتجلس تنتظر ابن الحلال

عين ع الباب (يستمر جرس الباب في شكل غريب) اخلاص تسرع إخلاص الي الباب تفتحه ليدخل اخيها (رفعت) شاب في 33 سنة من عمره مسرعا وكأن هناك من يجرى ورائه

> سنة على ما تفتحى الباب؟ ر فعت

وانت مستعجل كده ليه حد بيجرى وراك؟ اخلاص

بيجرى ورايا!!! بيجرى ورايا ليه؟ انا الحمد لله ر فعت صاغ سليم لا بعت ولا اشتريت

> - بعت ایه؟؟ اخلاص

بقولك لا بعت ولا اشتريت الراجل جه يطلب عربية ر فعت يشتريها دليته على البايع وخت العمولة بتاعتي وخلاص انا مالي ان كانت العربية مش موجودة اصلان؟

· عربیة مش موجودة ازای؟ یعنی نصبتوا علی اخلاص الراجل وبعتوله الهوى او الترماى

رفعت : ناس معندهاش ضمير راجل رايح يشترى عربية كان لازم يشوفها الاول قبل ما يدفع فلوسه كتب العقد ودفع الفلوس وقام يشوف العربية اتارى العربية بتاعت واحد كان قاعد على القهوة قام خد عربيته ومشى انا مالى ههههههههههههههه

اخلاص : انت مش هتبطل الشغل بتاعك ده يارفعت الفلوس دى حرام واللى بتعمله ده اسمه نصب

رفعت : خليك فى نفسك يا استاذة يعنى عايزانى القعد من غير شغل دا حتى الايد البطالة ملهاش لازمة القوالة هههه تدخل الام فى هذه اللحظة لتسأل رفعت هتغدى دلوقتى يارفعت ولا هتستنى اللى جايين من بره

رفعت : ازیك یا حاجة انت طبختی ایه النهارده؟

الام عاملة مسقعة بتنجان وبطاطس باللحمة المفرومة

رفعت : الله عليك يا ست الكل دايما مواكبة العصر حتى في طبيخك ماهي كلها مسقعة قولى لبنتك الاستاذة علميها انها مسقعة مش اي حاجة تانية

الام عارفة ازاى بتتعمل اللم المسقعة

رفعت : امال هى بتفهمنى غلط ليه هههههههههههههههه؟ الان يرن جرس الباب لتذهب اخلاص لتفتح الباب لتجد الاخ الاصغر عادل أمين الشرطة عائد من عمله يدخل ليلقى السلام على الجميع.

عادل : السلام عليكم

يرد الجميع وعليكم السلام

رفعت : أبن حلال جييت في وقتك تمام

عادل : خير في حاجة ولا ايه؟

رفعت : النهارده واحد اشترى عربية واللى باعها مش صاحبها وكتبوا عقد ودفع الفلوس ولما راح يشوفها كان صاحبها اخدها ومشى من قدام القهوة

عادل : واللي يخصك مين فيهم اللي باع والا اللي اشترى؟

رفعت : اللي باع صاحبي واللي اشترى عن طريقي

عادل : تبقى العربية موجودة

الجدة : مبروك يا شفيق يا بنى الف مبروك لولو لو لى

عادل : اهى جدتك قالت لك يا عم اعتبر الموضوع خلصان بس هيدفع ولا ايه؟.

رفعت : اكيد يا باشا ااقل شئ استكين ههههههههههههههههههههههههههههههه

يرن جرس الباب من جديد لتذهب إخلاص لتفتح الباب وإذا به الأستاذ صالح مدرس الرياضيات يدخل في عجلة ليطلب الطعام من على الباب.

صالح : انت يا حاجة الأكل جاهز انا مستعجل معنديش وقت؟

رفعت : طب سلم يا استاذ الأول انا مشوفتكش من اسبوعين

صالح السلام عليكم معلش والله ماعندى وقت عندى حصة بعد ربع ساعة ومتأخر

رفعت اروح ادى الحصة مكانك وبالنص هههههههههههههههه

عادل و نص ایه یا معلم التلت والتلتین هو صاحب المصلحة

صالح الله الغنى يا اخوانا انا متشكر خالص كل واحد يخليه في نفسه

الجدة من جديد الف مبروك يا شفيق الف مبروك يا ابنى لو لوى

أخلاص : اية ياجدة انت جاية معاكى زغاريت هو انا هتجوز ولا ايه؟

الأم الثناء خروجها من المطبخ ياريت يابنتى نفسى ربنا يعدلهالك واشوفك في بيت جوزك وأشيل عيالك

إخلاص في ياما راحت علينا والحمد لله على كل حال.

رفعت ياريت نبطل كلام في الموضوع ده علشان ما تقلبش نكد خلونا في المسقعة بتاعتك ياما هناكل ولا ايه؟

الأم طيب انا هاجهز لكم الأكل وبعدين اخواتكم وابوكم يا كلوا لما ييجوا

صالح بسرعة ياما انا مستعجل قوى الوقت بيجرى

الجد معقولة انتظر كل ده وماتجيش؟هى نسيت المعاد ولا أيه؟ انا عبد المتجلى أفندى كبيرموظفى قلم الحسابات أخد بمبة

ليضحك الجميع على

ويرن جرس الباب من جديد يسرع رفعت الى الباب ليدخل الاب الاستاذ شفيق عبد المتجلى عائدا من عمله

الاب : السلام عليكم

يرد الجميع : وعليكم السلام ياحاج حمدالله ع السلامة

الأب الله يسلمكم جميعا ويسلم على الجد والجدة ويقبل ايديهم

الام انت جيت ياسى شفيق؟

الاب : لا لسة هاجي كمان شوية ههههههههههههههه

الام : حمد الله ع السلامة ربنا يخليك لينا يارب انا عملكم

حبة مسقعة انما ايه هتكلوا صوابعكم وراها

الاب : جميل امال فين باقى الولاد؟

الام : سمير جوه في المرسم من امبارح وسوسو فاتحه الكمبيوتر بتاعها وقاعدة قدامه من بليل وشريفة لسة في المستشفى وقالت هتطلع على العيادة على طول علشان عندهم عمليات كتير النهارده ومش هتيجي الا بليل متأخر وفايق مع اصحابه طالعين رحلة ابصر فين كده وعصام بعد ما صلى الفجر قال انه هيسافر الواحات النهارده عنده شغل هناك واحد جابهوله وهيقعد شهر او شهرين ويرجع انا هجز الغدا غيروا هدومكم وثواني الأكل هيكون جاهز

الجد : انا مش هاكلمها تانى هوانا شوية انا عبد المتجلى أفندى على سن ورمح ثم يبكى

ليغلق الستار على نهاية المشهد الأول

المشهد الثانى

يفتح الستار على الجد والجدة في مكانهما المعتاد

الجدة : مش سامعة زغاريت ولا حاجة هى نتيجة الإعدادية لسنة ما ظهرتش الواد شفيق هيتجنن يا ناس وأبوه ولا هوه هنا مين هيجيبله النتيجة.

سوسو تظهر لأول مرة لترد على جدتها

سبوسو: نتيجة ايه ياتيتة الأعدادية ههههههه والواد شفيق يعنى نتيجة الاعدادية بتاعت بابا طيب هاتى رقم الجلوس بتاعه وانا اجيبهالك من ع النت ههههههههههههههههههههههههههههههههههه

الجدة : انت مين يا حلوة؟

سبوسبو: انا سوسو يا تيتة سوسو بنت الواد شفيق اللى فى الاعدادية بابا فى الاعدادية وانا فى اولى ثانوى هههه الجدة: (وكأنها لم تسمعها ولم تراها) ربنا ينجحك وياخد بيدك يابنى

الام : انت صحيتى يا فالحة؟ بردو مش هتروحى المدرسة؟

سبوسبو : لا ياماما انا لسة نايمة وبعدين مدرسة إيه هو لسة في حد بيروح المدرسة في الزمن ده؟ انت طيبة قوى يا ماما

: ياما سيبك منها هي مدرستها ع النت بتتعلم منها كل اخلاص حاجة احنا اللي جهلة ياريتنا لا روحنا مدارس ولا جامعة ضيعنا عمرناع الفاضي وادينا قاعدين.

يعنى في مدرسة ع النت دا ياحبيبتي وبتدى شهادة؟ الام

> ايوه ياما بتدى شهادة كبيرة قوى اخلاص

: وبعدين بقى معاكم احنا لسة الصبح!!! سوسو

ا أه بس لو تيجى وأشوفها أنا مش عارف هي أختفت الجد كدا ليه دى كانت موعداني هتيجي اخلص لها الورق من المصلحة ونروح نتغدى سوا

> : هی مین دی یابا؟ الأم

 انت اللي مين يا أمورة؟ الجد

: انا مرات ابنك يابا أم رفعت الأم

: ابنى مين انا لسة متجوزتش اخلف ازاى!!! الجد

: لسة ايه؟ الله يخزى شيطانك ياحاج 85سنة ولسة الأم متجوزتش

: (وكأنه في عالم أخر لا يرى ولا يسمع) بس هي لو الجد تيجي

 ستى كانت بتدعى لبابا ينجح في الاعدادية من شوية سوسو وجدى منتظر العروسة بتاعته بيحب ياخونا والحب بهدلة ههههههههههههه

إخلاص : كتر خير الدنيا ناس عدت ال80 سنة الله يكون في عونهم احنا في سننا ده وعايشين في توهة.

سوسو طيب انا هسيبك في التوهة واروح اشوف اصحابي وحشوني قوى

أخلاص : اصحابك على الفيس؟

سوسو : ايوه عندك مانع؟

أخلاص : لا يا حبيبتى روحى بسرعة زمانهم عاملين مظاهرة منتظرينك

سوسو : سلام بقی

أخلاص : سلام وتجلس على الكنبة بجوار جدتها لتجد نفسها تقلدها في جلستها دون قصد وتردد بدون وعي بس لو ييجي ياااااااااارب

تدخل الأم الى المسرح ومعها اكياس الباذنجان والكوسة تنادى على أخلاص

الام : يلا يا اخلاص علشان نجهز الغدا ابوكى زمانه راجع واخواتك

أخلاص : حاضر ياما انت هتعملى ايه النهارده؟

الام : هنعمل مسقعة بالكوسة والباذنجان واللحمة المفرومة

أخلاص : ايه ياما هو كل يوم مسقعة؟ عايزين نغير

الام : ما احنا غيرنا يا بنتى كانت بالباذنجان والبطاطس خلناها بالكوسة والباذنجان وانت شوفتى هما كلوها ازى امبارح

اخلاص: هو حد دارى ياما على رأيك كل الاكل بقى زي بعضه العيشة كلها بقت كل يوم زى اللى قابله خلااااااااص

يخرج سمير من المرسم إلى الصالة ممسكا في يده لوحة بها رسم غير مفهوم ويرتدى البالطو الأبيض مقلدا للفنانين الكبار مرتديا نظارته الطبية السميكة ليخبر الجميع انه انهى اللوحة خلاص..

سمير : إيه رأيكم يا جماعة انا خلصتها خلاص اللوحة دى انا متأكد أنها هتعمل ثورة في عالم الفن التشكيلي

إخلاص : فن تشكيلي ايه بس ياسمير انت مش هاتعقل بقي؟

سمير : وإنت ايه فهمك في الفن التشكيلي يا.. ؟ ولا بلاش انت اختى الكبيرة وإنا مش عايز أغلط فيكي.

إخلاص : عايز تقول يا جاهلة ربنا يسمحك

سمير : لا ااقولك ولا تقوليلي انا داخل المرسم

تدخل شریفة بعد ان استیقظت من النوم بعد لیلة
عمل شاق

شريفة : صباح الخير يا جماعة عاملين ايه؟

ليرد الجميع : صباح الخير

اخلاص: انت مش هتروحى الشغل النهارده ولا ايه?

شریفهٔ : لا انا خدت اجازه النهارده کان عندنا عملیات کتیر امبارح!!

إخلاص : عمليات ولادة؟

شريفة : ولادة ايه بس عشر عمليات اجهاض

اخلاص : اجهاض اعوز بالله ليه كده؟

شريفة : بنات عائلات كبيرة عايشين حياة الغرب بيصاحبوا ويحبوا وبعدين يجروا على عيادة الدكتور يلحقوا نفسهم

إخلاص : بس العمليات دى حرام يا شريفة وقانونا لا يجوز كمان

شريفة : انت عارفة امبارح بس انا اخدت كام 5000 جنيه

اخلاص : 5000 جنية في ليلة واحدة؟

شريفة : والدكتور اشرف 15000 جنيه بس بيتعب جدا والله

إخلاص : الله يكون في عونه 15000 جنيه في ليلة

شريفة : انا عايزة افطر وادخل ااااانام انا هموت م التعب انا وصلت الفجر من العيادة وملحقتش انام

إخلاص : حاضر يا حبيبتى هاجهز لك الفطار حالا وتردد اثناء سيرها (5000 جنيه الله يكون في عونك انت بتتعبى قوى)

الجد : بس لو تبيجي هي انا هاخدها واروح للمأذون على طول

شريفة : صباح الخيريا جدى هي مين دي باين عليك شقى ياجدي ومقطع السمكة وديلها

يرن جرس الباب تذهب شريفة لتفتح الباب لتجد اخوها فايق يدخل فايق فى حالة من التعب الشديد بعد سهرة حمراء جمعت بين المخدرات والخمور والحريم يترنح.

شريفة اهلا فايق مالك يالا عامل كده ليه؟ انت مسطول ولا ايه؟

فايق : لا لا لا ابدا انا فايق خالص اهوه ازيك يا حبيبتى

شريفة : فايق بقى ده شكل واحد فايق؟

فایق : ایوه انا فایق اخوکی فاااااااایق هههههههههههههه

شريفة : انت هتموت نفسك كده انت كنت فين؟

فایق : کانت حتة سهرة انما ایه امممممممممممموه

شريفة : وبعدين معاك يعنى انت مش هتبطل السهرات السودة دى

فايق بيقولوا سهرة حمرا مش سودة

شريفة . انا ما عنتش هديلك فلوس تاني

فايق و أهون عليك؟ فايق اخوكى حبيبك يبقى مفلس

مانت هتموت نفسك كده شريفة طيب ادخل انام والصبح نتكلم اصلى تعبان قوى فايق قوى قوى . الصبح؟ هو احنا بالليل؟ طيب روح نام روح شريفة . تصبحی علی خیر یا موزة هههههههههههههههههههههههههههههههه فايق يرن جرس الباب من جديد تذهب شريفة لتفتح الباب لتجد والدها في حالة حزن شديد يلقى السلام عليها حمدالله ع السلامة يا بابا جيت بدرى النهارده شريفة يعني!!! الله يسلمك ياشريفة أنت ماروحتيش الشغل النهارده الاب لبه؟ والله يابابا انا رجعت الفجر من العيادة وكنت هلكانة شريفة هموت من التعب طول الليل عمليات لما هلكت . الله يكون في العون يا بنتي بس اهو كله بثوابه الأب وانتم ملايكة الرحمة وخصوصا موضوع الولادة ده دا صعب قوی ايوه پابابا صعب جدا وخطر خالص رينا يستر بس شريفة ماقولتلیش انت رجعت بدری لیه النهارده ومالك زعلان قوی کده؟ القولك ايه بس يا بنتي والله الواحد محتار الاب ومستغرب اللي بيحصل . خير يابابا قلقتني؟ شريفة

. عمك عبد السلام يابنتي انت عارفاه. الأب

> . ايوه عارفاه يابابا شريفة

. النهارده تعيشي انت توفي في المصلحة واحنا قاعدين الأب

لا الله الا الله البقاء لله يابابا... هو كان تعبان ولا شريفة حاحة؟

. لا يابنتي بعيد عنك وربنا يستر ولايانا بنته الوحيدة الأب معندوش غيرها لا ولاد ولا بنات.

> . مالها؟ شريفة

رجعت البيت متأخرة أمبارح وتعبانة جدا بيسألها الاب وبعد إلحاح عرف انها رجعة من عند الدكتور بعد

عملية إجهاض ولايعوز بالله

معقول؟ هي كان أسمها ايه؟ شريفة

> . أسمها بسمة الأب

. (بسمة عبد السلام... بسمة عبد السلام.. بسمة شريفة

عبد السلام اااه نمرة 6)

الأب . نمرة 6 يعنى ايه؟

. لا يابابا ولا حاجة انا بقول بس لوكان عندها شريفة

اخوات تانية كانوا راعوها وخدوا بالهم منها

. الله يرحمه ما استحملش وراح فيها الاب

. طیب یا بابا هو ادفن مش معقول شريفة الاب لا يابنتى انا قولت على ما يجهزوه للدفن اجى اكل لقمة واغير هدومى وارجع احضر الدفن وافضل فى العزاء ده كان زى اخويا تمام الله يرحمه.

شريفة . واجب يابابا الله يرحمه ووووووويرحمها هي كمان

الاب . ايوه يابنتي ويستر كل الولايا

ام رفعت تدخل الى المسرح لتفاجئ بزوجها قد عاد من العمل تبادره بالسؤال ابو رفعت انت جييت؟ مالك تعبان ولا ايه؟ الف سلامة عليك يا خويا قولى حاسس بايه راسك بطنك ظهرك لازم رجليك في ايه يا خويا بس طمنى

الاب اهدى شوية يا ام رفعت اديلى فرصة اخد نفسى

الأم التخضيت عليك يا خويا انت عارف ملناش غيرك

الاب الاستاذ عبد السلام مات النهارده في الشغل وانت عارفة انه كان زي اخ قبل مايكون صديق

الام يا عيييينى الله يرحمه ويحسن إليه كان طيب وراجل امير

الاب . انا عايز اكل لقمة واغير هدومي علشان الحق الدفنة

الام عنى يا خويا المسقعة ع النار على ما تغير هدومك يكون كل شئ جاهز

شريفة . انا كنت هاكل يابابا كويس انك هتاكل معايا

الأب عاغير هدومي وأجي.....

يرن جرس الباب من جديد تذهب شريفة لتفتح الباب

فإذا بعسكرى من قسم الشرطة يسأل عن رفعت

العسكرى . ده منزل رفعت شفيق عبد المتجلى؟

شريفة . أيوه أخويا أى خدمة

العسكرى . مطلوب لجناب ضابط المباحث في قسم الشرطة

شريفة ي ليه خير هو عمل حاجة؟

العسكرى . متقدم فيه بلاغ من أحد المواطنين الشرفاء بأنه تعاون مع أحد النصابين للنصب عليه في شراء سيارة هو موجود؟

شريفة ي لا والله هو تقريبا في الشغل

العسكرى يتمام أمضى حضرتك هنا ولازم يحضر للقسم خلال ساعتين من دلوقتى يأما هتيجي قوة وتقبض عليه

شريفة . حاضر هابلغه

العسكرى عاداء التحية العسكرية بشكل كوميدى تمام يافندم

شريفة تغلق الباب خلفه وتنادى على ابوها باااااابا يابابا

الأب أيوه يا شريفة حاضر جاى مستعجلة كلى أنت

شريفة إ أكل ايه بس تعالى في مصيبة

الأب عصيبة تانى أستريارب

لينتهى المشهد الثاني

المشهد الثالث

نفس الديكور منزل الاستاذ شفيق عبد المتجلى الجد والجدة في نفس حالة التوهان

الجد

مش ممكن لازم يكون حصل لها حاجة هى عمرها ما تأخرت عليا فى ميعاد أنا لازم أروح أشوف حصل لها أيه أنا مش هاعقد أنتظر كده ويمكن تكون محتاجالى ويهم بالوقف ليجلس مرة أخرى لعدم قدرته على الوقف وينسى كل شئ مرة أخرى

أم رفعت

عارف يابا أنا عامله زيك تمام مش عارفة اى حاجة م اللى بتحصل حوليا العيال بتدخل وتخرج لا باعرف مين جه ولا مين راح زيك تمام أنت وأمى الفرق بينى وبينكم أنكم محدش عايز منكم أى حاجة أما أنا مطلوب منى أعمل كل حاجة للكل

ثم تفرغ من إطعام الجد لتذهب إلى الجدة

عاملة إيه ياما ثم تشرع فى إطعامها بيدها وتقول عارفة ياما الوحدة مننا عايزة تشوف عيالها كلهم

كويسين وعايزة تطمن على الكبير والصغير فيهم بس أنا مابعرفش اى حاجة عن اى حد فيهم يمكن عشان كبروا بس هم لسة عيالى ولسة محدش منهم بقاله حياته الخاصة كلهم لسة موجودين معايا فى البيت انا مش عارفة اعمل ايه والله...... الف هنا وشفا ياما ربنا يخليكم لينا انتم البركة... ثم تنصرف للمطبخ كالمعتاد ليدخل إلى المسرح سمير الفنان التشكيلي

سمير

: الواحد عايز يعمل لوحة كبيرة عظيمة كده واوقع عليها زى بيكاسو اعمل مثلا لوحة الجدة ليزا او الجد ليزة زى الموناليزا هتكون أشهر منها كمان

يجلس سمير امام الجدة ويشرع في رسمها على اللوحة ليفاجئ بها تقول...

الجدة

: الحمد لله النتيجة ظهرت وشفيق نجح في الإبتدائية بتفوق لكن عبد المتجلى ماجاش لسنة م الشغل لحد دلوقتي ياتري في ايه استرها يارب ويرجع بألف سلامة

سمير

الام

تدخل الام مرة اخرى للمسرح تقول لسمير....

ایه یاسمیر بتعمل ایه یابنی؟

سمير : ولا حاجة يا ماما هرسم لوحة الجدة ليزا

الام : مين دى يا ابنى؟

سمير : جدتى أم شفيق ههههههههههه

الام : ايوه يابنى علشان تدعيلك ربنا يوفقك يابنى ويسهلهالك

سمير : ياااااااااااااااارب

: لتدخل سوسو اخر العنقود تقول

سوسو : صباح الخيريا سمير... صباح الخيريا جدى صباح الخيريا تبتة

سمير : صباح الخير مين سوسو؟ وحشانى والله انا بقالى اسبوع مشوفتكيش الفيس شاغك قوى كده

سوسو : والله يا سمير انا أنضميت ليجى 200 جروب كلهم روشين طحن

سمير : وطبعا أنت بتطحنى معاهم طول الليل والنهار

سيوسيو : أعمل ايه بس باجى ااقوم ألاقى بوستات بتنزل تربطنى تانى اقدام الجهاز لازم اشارك وارد على اصحابى الروشين

سمير : الله يكون في العون بتتعبى قوى

سوسو : قوى قوى يا سمير هى فين ماما؟ ياماما يماما

الأم ايوه ياسوسو عايزة ايه؟

سبوسبو : انا جعانة قوى يا ماما عايزة أكل أنا مش فاكرة كلت أمتى أخر مرة بس انا جعانة قوى

الأم : تعالى المطبخ وجهزى اى حاجة كوليها انت مش بنت زى البنات؟

سبوسيو : انا ادخل المطبخ؟ يانهار بينك انت عايزة اصحابى يشيروا الخبر والفضيحة تبقى بجلاجل فى خلال ثانية وإحدة

تدخل شريفة للمسرحة وتلقى التحية على الجميع وتقبل يد الجدة والجد

شريفة : صباح الخير صباح الخير يااااجدى صباح الخير يا تيتة ايه ياسوسو عاملة هيصة ليه ع الصبح كده

سوسو : تصورى ياشريفة ماما بتقولى ادخل المطبخ

شريفة : لا طبعا غلطانة تدخلى المطبخ ازاى جواز ومعدش فيه جواز تتعلمى شغل المطبخ ليه مجهود زيادة يعنى وبعدين بكره الجواز يكون ع النت والعلاقات الزوجية والمعاملات تبقى بالرسايل يعنى والناس نايمة ع السرير لا امك غلطانة انت عايزة ايه م المطبخ

سوسو : عايزة اكل مش عارفة فطار ولا غدا بس عايزة اكل وخلاص حاسة انى جعانة قوى

شريفة عاضر انا هادخل اجهزلك اكل واجيبوه لحضرتك في الاوضة

سوسو : تسلمیلی یا اختی یا حبیبتی ویخلیکی لیا

شریفة نفست عیر ما تدعی یا حبیبتی هو مخلینی ما تتعبیش نفست و تدعی انا قاعدة هو لا هاروح و لا اجی

: ثم تنصرف كلا منهما الى حيث تريد فى هذه الاثناء كان سمير منهمكا فى رسم اللوحة حتى كاد ان يفرغ منها ثم يقف وينظر لها من بعيد ويقول...

سمير : الله عليك يا فنان هتكون اجمل لوحة لوحة التيتاليزا

يرن جرس الباب فيذهب سمير ليفتح الباب بعد عدد من الرنات المتتلية ليدخل الاب والاخ رفعت عائدين من القسم

سمير : اهلا يابابا حمد الله ع السلامة يارفعت

رفعت : الله يسلمك يافنان

الاب وبعدين يابني معاك مشاوير القسم كترت قوى

رفعت : اعمل بس يا بابا يعنى القعد في البيت من غير شغل

الاب : هو لازم يكون شغلك نصب على مخليق ربنا؟ دلولا زملات اخوك عادل كنت اتبهدلت في القسم ومكناش عرفنا نعملك اي حاجة

رفعت : ايوه صحيح الواد عادل ده طلع كلمته مسموعة باشا باشا يعنى شوفتنى يابا وانا قاعد حاطت رجل عند الضابط

الآب : ايوه فعلا انت كنت قاعد كده ليه يا قليل الادب دا انا ابوك ومعملتهاش

رفعت : كان لازم كده يابابا علشان الضابط يصدق انى بريئ لوكشيت منه كان لبسنى قضية تانية حتى لو كنت بريئ وبعدين عادل القصد الباشا عادل اخويا يعنى ضهر جامد

الاب طيب يافالح اروح اشوف عملولى ايله في الشغل الاب النهارده

رفعت : طريق السلامة يا حاج تروح وترجع بألف سلامة ياحاج هتوحشنا قوى ياحاج يردد حتى يخرج الاب موجها كلامه لسمير......

رفعت : سمير أنا شايف انك فنان كويس وعايز أخدمك ياسمير

سمير : ازاى يعنى؟

رفعت : انت بترسم لوحاتك وبتشيلها لاحد بيشوفها ولاحد بيعرف عنها حاجة

سمير : ايوه وبعدين يعنى؟

رفعت : انا هاخدها واوزعهاك وهتجيبلك فلوس كويسة قوى

سمير : بتتكلم جد؟

رفعت : طبعا شغل يا حبيبى شغل بس طبعا ليا نسبة من الدخل ده نقول 50%

سمير : 50% كتير قوى خليهم 25%

رفعت : انت هتفاصل خليهم مركونين

سمير : خلاص ياعم انا موافق

رفعت : بس ترسم اللي هقولك عليه تمام

سمير : تمام زى ايه؟

رفعت : یعنی مناظر کده.. کده یعنی

سمير : يعنى مناظر عريانة يعنى

رفعت : الله ينور عليك فهمتنى

سمير : بسيطة انا كل اللي رسمته لحد دلوقتي مناظر عريانة حتى صورة تيتاليزا اللي لسة برسمها ناوي تكون تتاليزا عريانة

رفعت : يابن الايه دانت فنان كبير بقى وانا معرفش اصل المناظر دى هى اللى بتجيب فلوس من الناس الاغنية انت عارف كل واحد منهم لازم تكون عنده في بيته او فيلته صور عريانة من باب انه مثقف يعنى ههههههه

سمير : اتفقنا انا عندى جوه ييجى 50 لوحة منهم القاعدة واللي نايمة واللي

واللي نايمه واللي.....

رفعت : واللى ايه الله يخرب بيتك

سمير : واللي بتستحمي يا عم في ايه؟

رفعت : ادخل هاتهم بسرعة دا كنز يابنى بسرعة

: ينصرف سمير مسرعا لاحضار اللوحات في حين يقف رفعت يحدث نفسه

رفعت: انا شوفت اللوحات دى عند الاستاذ جلال بتاع المعرض بتاع التحف ولما سألته عنها قال انها غالية قوى ومطلوبة انا اروح له وهو اكيد هايشترى منى على طول دا قال ان اللوحة سعرها بيعدى ال2000 جنيه بعد البرواز والذى منه البرواز وإذ وإلذى منه

يدخل سمير بعد ان احضر اللوحات ملفوفة في ورق سميك ليعطيها لرفعت

سمير : ادى اللوحات ياعم رفعت بس خلى بالك منها

رفعت : طبعا هاخلی بالی

سمير : بس انا عايز في اللوحة الواحدة مش ااقل من عشرين جنيه

رفعت : عشرين جنيه في اللوحة مش كتير

سمير : متنساش انك هتاخد 50%

رفعت : ايوه صح انت صح ههههههههه

ينصرف رفعت لبيع اللوحات وسمير الى حجرته ليبادر الجد يقول...... في لحظة فوقان غير معتادة الجد : يابن النصابة الواد هيبيع اللوحة ب2000 ويحاسب اخوه على 10 جنيه وانا مالى بس هى لو تيجى انا مش عارف هى غابت كده ليه بس

تظهراخلاص على المسرح وهي تحدث نفسها في استغراب شديد

إخلاص : سلمى بنت ام حسين اتخطبت؟ سلمى اللى كنت بعلمها الف باء وهى فى الحضانة هتتجوز وانا لسة زى ما انا سلمى اللى عندها 19 سنة وانا اللى عندى 35 سنة قاعدة لسة جنب امى طب اعمل ايه اروح فين قولولى يا ناس اروح فين واعمل ايه انا هتجنن صحيح اتخطبت لراجل عربى عنده 50 سنة بس وماله احسن من القاعدة كده وبعدين العربى دا معاه فلوس هيجيب ويجيب

يرن جرس الباب من جديد لتدخل شريفة فى عجلة تقول

شريفة ازيك يا اخلاص يا اختى عاملة ايه كويسة

اخلاص : ايوه كويسة (تقولها في انكسار) انت جاية بدرى النهارده يعنى

شریفة اصل فی موضوع کده یارب یحصل

اخلاص : موضوع ایه خیر؟

شريفة : الدكتور اشرف طلب يتجوزنى

أنت كمان؟ القصد الف مبروك يا حبيبتي بس دا أخلاص متجوز يعنى معاه واحدة ست هتتجوزى على ضرة با شربفة؟ ايوه وايه يعنى؟ المهم نتجوز ونتجوز بسرعة كمان شريفة : ليه بسرعة؟ مستعجلة على ايه؟ أخلاص : لازم استعجل الايام بتجرى المهم بابا يوافق شريفة واخواتك و هو حصل حاجة ما بينكم؟ حصل حاجة صح؟ انت أخلاص حامل؟ و اوعى تجيبي اى سيرة لاى حد لحد ما يتم الجواز شريفة : هي دي حاجة تتقال ولا تتحكي بس ليه كده عملتي اخلاص كده ليه انت مش صغيرة علشان ينضحك عليكي؟ - ينضحك عليا انا انت طيبة قوى يا اخلاص المهم شريفة اشرف جاى دلوقتى علشان يكلم بابا لازم يوافق يا اخلاص على كل شئ يطلبه الدكتور اشرف فهماني کل شیئ و بابا لسة في الشغل بس اكيد زمانه جااااااااي اخلاص

أخلاص : حمد الله ع السلامة يابابا مالك كده تعبان ولا ايه؟

فى هذه اللحظة يرن جرس الباب تذهب اخلاص لتفتح الباب فى حين تنصرف شريفة الى الداخل يدخل الاب فى حالة اجهاد شديد لتبادره أخلاص

(مسرحية)

الاب : تعبان قوى يا بنتى مش قادر اتحكم فى جسمى خالص

أخلاص : لا فوق كده انا عندى خبر هيفرحك قوى

الآب : خير يا أخلاص؟

أخلاص : في عريس جاى يخطب شريفة

الآب عريس بتتكلمى جد مين يا اخلاص وجاى لشريفة بنتى معقول اول مرة اكون ابو العروسة بجد بتتكلمى جد هو فين؟

اخلاص : ايوه صحيح يا بابا اول مرة ربنا يتمم بخير ان شاء الله العريس الدكتور اشرف اللى شريفة بتشتغل معاه وجاى دلوقتى هي قالت كده.... ارزاق

الاب: بس يا بنتى دا متجوز!!!!

إخلاص : وايه يعنى يابابا المهم انه عايز يتجوزها ولازم يتجوزها

الاب : بتقولى لازم؟

اخلاص : القصد طالما هي موافقة يبقى خلاص

الاب ايوه طالما هي موافقة خلاص انت قولتي لماما؟

اخلاص : لا لسة شريفة معرفانى حالا كنت لسة هقولها وانت بترن الجرس ع الباب

الاب ينادى على الام ليخبرها بموضوع العريس

الاب : ياام رفعت انت يا ام رفعت

الام : ايوه ياحبيبي انت جيت؟

الاب : لا لسة تعالى يا ولية في خبر حلو عشانك

الام : خير يارب قول يا وش الخير

الاب في عريس جاى لبنتك زغرتي امال

الام : لولولولولولولولولى الف مبروك يا اخلاص جه

اليوم اللى هشوفك عروسة الحمد لله

أخلاص : مش انا يا ماما دى شريفة

الام شريفة لايمكن ازاى الصغيرة تتجوز قبل الكبيرة

الاب : صغيرة ايه وكبيرة ايه يا ولية البنت جالها نصيبها خلاص وان شاء الله اخلاص ييجى نصيبها عن

قريب المهم الفرح يدخل البيت الحمد لله احمدك

(مسرحية)

يارب واشكر فضلك عقبالك يا اخلاص

اخلاص : ان شاء الله يا بابا ان شاء الله

الام : والعريس ده نعرفه؟ من الحتة يعنى؟

اخلاص : الدكتور اشرف يا ماما اللي شريفة بتشتغل معاه

الام بس ده كبير عليها ومتجوز كمان

الإب : هي موافقة المهم هي موافقة خلينا نفرح بقي

يرن جرس الباب تذهب اخلاص لتفتح الباب ليدخل الدكتور اشرف شاب في الأربعينات من عمره وسيم وشيك جدا تظهر عليه علامات الثراء

دكتور اشرف : السلام عليكم يا جماعة

الاب والام : وعليكم السلام اهلا يادكتور اهلا يابنى اتفضل

دكتور اشرف : والله ياعمى انا محرج من حضرتك جدا بس انا هدخل في الموضوع على طول

الاب : اتفضل يابني خير

اشرف : انا طالب القرب منك فى شريفة وانت عارف اننا بنشتغل مع بعض من سنتين تقريبا وهى عارفة عنى كل شئ

الاب : ايوه يابني اهلا وسهلا

اشرف : بس انا ليا ظروف خاصة جدا هي عرفاها ومتفهماها كويس قوى وموافقة عليها بس باقى ان حضرتك توافق

الاب : ظروف ایه یابنی خیر

اشرف عارف انی متجوز وطبعا حضرتك عارف انی متجوز وطبعا حضرتك عارف وضعی ومركزی مش عایز شوشرة وفضایح واهل مراتی ناس غنای قوی ووصلین وبیساعدونی فی شغلی كتیر ولهم افضال علیا كتیر ومش عایز اخسرهم

الاب : طيب يابنى لما هى الحكاية كده ومراتك كويسة واهلها كويسين ولهم افضال عليك جاى تتجوز بنتى ليه

اشرف : واضح جدا ان شريفة ماقلتش لحضرتك كل حاجة

الاب : كل حاجة زى ايه يعنى? هو في ايه يابني

اشرف : والله يا عمى للاسف احنا مضطرين نتجوز ونتجوز بسرعة جدا

الاب : مضطرین ازای یعنی

اشرف : مضطرين يا عمى مضطرين ويشاور بيده على البطن علامة الحمل بدون تصريح بالكلام

فى هذه اللحظة تخرج شريفة من غرفتها تحمل حقيبة سفر كبيرة جمعت فيها كل متعلقاتها فى بيت ابيها لتذهب مع اشرف إلى شقتها الجديدة التى قام بتأجيرها لها لتكون عش الزوجية وقام بفرشها بفرش متواضع لضيق الوقت.

ليفهم الأب الموضوع متأخرا جدا وتخرج إبنته امام عينه ليجلس هو وزوجته وابنته الكبرى في حسرة يبكون على هذه المجبوتة

لينتهى الفصل الاول



الفصل الثاني

المشهد الأول

مرت ثلاثة أشهر على زواج شريفة من الدكتور أشرف وكان قد هدأ الموضوع وتعامل معه الجميع على أنه أمر واقع حتى عاد الاخ الغائب والذى كان قد سافر الى الواحات للعمل كما زعم ولكنه كان في معسكرا للتدريبعد أن انتمى بإرادته الى احدى الجماعات الدينية المسلحة. عصام توأم شريفة التى تزوجت من الدكتور اشرف لظروف حملها منه دون زواج عاد من الواحات فى هيئة غير التى ذهب بها وأفكار جديدة وقدرة على التعامل بالأسلحة والمتفجرات

يفتح الستار على نفس ذات الديكور والجد والجدة مازالا في نفس حالة الشرود وعدم الإدراك

الجدة

: شفیق أبنى ماشاء الله علیه شاب زینة الشباب عایزة أخطب له واحدة كده بنت حلال تسعده وتساعده اخطب له مین یا بت یا عزیزة؟ أخطب له مین؟ بس هو یشاور بس

تدخل فى هذه الاثناء ام رفعت زوجة الاستاذ شفيق وقد تغيرت ملامحها بعض الشئ من جراء فعلة بنتها شريفة وكأنها كبرت فى السن 20 سنة عما كانت وبصوت ضعيف جدا قالت.

أم رفعت : القولك يا اما تخطبي له مين؟

الجدة : هو مين يا بنتى اللى هاخطب لـه؟ هو في حد عايز يتجوز؟

أم رفعت : لأيا اما انا بيتهيئلى ربنا يكون فى عونك وعونا والله الله الله مكفينا

ليدخل الان عصام فى زيه الجديد جلباب ابيض قصير وشال ابيض على الرأس واللحية فيلقى التحية على باللغة العربية الفصحى.

عصام : السلام عليكم ورحمة الله وبركاته

الأم وعليكم السلام ورحمة الله وبركاته يا ابنى على فين كده

عصام : هنزل اصلى الظهر أن شاء الله وألقى درسا فى المسجد ولكن أخبرينى يا اماه انا منذ وصلت بحمد الله من الواحات لم أقابل شريفة ولم أعلم عنها شيئا أين هى؟ هى لم تأتى من عملها ولم أراها!!

الأم : شريفة اتجوزت يا عصام إتجوزت الدكتور أشرف

عصام : تزوجت!!؟ وتزوجت من!!؟ كيف حدث هذا ومتى!!؟

الام يابنى كلمنى زى الناس ما بتتكلم أنت ايه اللى جرالك؟

عصام : يا أمى انا أتكلم بلغة القرأن والتى يجب علينا جميعا أن نتحدث بها ولكن هذا ليس موضوعنا الان أخبريني كيف ومتى حدث هذا الأم : من تلت شهور جه الدكتور أشرف خطبها وكتبوا الكتاب وخدها ومشى

عصام : هكذا دون اى خطوات او ترتيبات

الأم : يابنى الراجل كانت ظروفه ماتسمحش يعمل فرح ولا ظروف اختك كمان المهم انها اتجوزت وخلاص

عصام : نعم ولكن لابد ان في الامر شيئ

الأم : روح يابني شوف انت رايح فين ربنا يسترها معاك

عصام : نعم نعم السلام عليكم ورحمة الله وبركاته استودعكم

الأم : انا مش عارفة هالقيها منين ولا منين بس والله

تدخل إخلاص إلى المسرح تنادى على أمها في لهفة

إخلاص : ماما ياماما ياماما الماما ماما

الأم : خير يا بنتى انا هنا مع جدتك

إخلاص : الحقيني يا ماما انا شوفت حلم غريب خالص

الام : خير يا بنتى؟ اللهم اجعله خير

أخلاص: تصورى يا ماما انا حلمت إنى عروسة ولابسة فستان أبيض وطرحة والفرح كبير قوى وهيصة وزى مايكون في فندق كبير فرح ياماما فرح

الأم إن شاء الله خير يابنتى انت بنت حلال وربنا ان شاء الله هير اضبكي

إخلاص : إن شاء الله ياماما إن شاء الله بس انا صحيت من النوم مسوطة قوى وسعيدة

يرن جرس الباب تسرع إخلاص لتفتح الباب فإذا به كشاف النور (عبد الرحمن) شاب فى الاربعين من عمره وسيم الى حد ما تحمل ملامحه علامات الرجولة والإستقامة يستأذن ليرى عداد النور ليسجل القراءة تسمح له إخلاص بذلك بترحاب شديد ثم تطلب منه المكوث وشرب كوب شاى ليدخل الى الصالة ويجلس مع الجد والجدة والأم فى حين تنصرف إخلاص الى المطبخ لعمل الشاى بسرعة

عبد الرحمن : السلام عليكم يا جماعة

الام : وعليكم السلام يابني اتفضل

عبد الرحمن : متأسف ياحاجة بنتكم هي اللي اصرت أشرب الشاي والله انا مش متعود ادخل بيت حد ولكن المرة دي مش عارف ايه خلاني اوافق بالشكل ده

الام : انت زى ولادنا يابنى وبعدين انتم طول النهار بتلفوا وبتطلعوا سلالم ما يمنعش تشرب الشاى وتريح رجليك شوية ربنا يعينكم يابنى

تدخل إخلاص بالشاى وتقدمه لعبد الرحمن.

إخلاص : اتفضل يا استاذ

عبد الرحمن : عبد الرحمن اسمى عبد الرحمن الف شكر يا

إخلاص : انا اسمى اخلاص ودى ماما ودى تيتة ام بابا وده جدى ابو بابا

عبد الرحمن : اهلا وسهلا انعم واكرم

الام الملابيك يابنى انت نورتنا النهارده

الجدة : (في حالة فوقان وقتى) هو ده العريس يا اخلاص اللي كنتي بتحكي عليه لامك

إخلاص : عريس ايه بس ياتيتة الاستاذ عبد الرحمن كشاف النور

عبد الرحمن : هو حضرتك لسة انسة يا استاذة اخلاص

اخلاص : في الحقيقة ايوه

الام : ايوه يابنى مع انها متعلمة تعليم عالى معاها حقوق بس النصيب

عبد الرحمن : سبحان الله العظيم

اخلاص : في حاجة يا استاذ؟

عبد الرحمن : لا ابدا استأذن انا....الف شكر على الشاى... ربنا يجعله عامر

الام : شرفت يابنى

اخلاص : مع السلامة يا استاذ عبد الرحمن

: تدخل سوسو الى المسرح تعانى من ألم شديد فى رأسه وكأنها بها ورشة نجارة كاملة

سبوسبو : ماما ... ياماما ... الحقيني يا ماما دماغي هتنفجر ومش شايفة بعيني من الصداع

ا مالك يا سوسو في ايه يابنتي؟ الام

: دماغی یا ماما اااااااااااااه هموت سوسو

: مانت مش مريحة نفسك طول الليل والنهار ع اسمه الام ابه دا الزفت

 قصدك النت يا ماما؟ اخلاص

: ایوه یابنتی هتموتی نفسك یا سوسو كده ریحی الام نفسك شوية ادخلي انا هجيبلك اسبرينه وكوباية شاى ونامى شوية يمكن ترتاحي

> - مش قادرة يا ماما مش قادرة سوسو

: خلاص انا هاجيبك حباية منوم يمكن تساعدك اخلاص وتنامى شوية

تنصرف الام الى المطبخ واخلاص لحجرة نومها وتبقى سوسو مع الجدة والجد ليرن جرس الباب من جديد تذهب سوسو وهي في حالة اعياء شديد لتفتح الباب ليدخل الاب

> و مالك ياسوسو انت تعبانة الاب

تشوية يابابا صداع شديد ومش شايفة بعيني سوسو

> : يلا نروح للدكتور قوام الاب

- حمد الله ع السلامة يابابا... لا هي هتبقي كويسة لو اخلاص نامت شوية انا هديها حباية منومة ولما تصحي نشوف لو كانت لسة تعبانة نروح للدكتور

الاب على الشفا... هي الاب يا حبيبتي ربنا يجعل على ايدك الشفا... هي ماما فين؟

اخلاص : في المطبخ بتعمل شاى لسوسو

الام : انت جيت ياسي شفيق

الآب : بقالك 40 سنة كل ما تشوفينى تقولى انت جيت ياسى شفيق انت جيت ايوه سيتى جيت ياسى شفيق انت جيت اله

الام : معلس يا حبيبى اعذرنىمالك كده شكلك متضايق في حاجة ولا ايه قول ياراجل انا أم رفعت مراتك حبيبتك

الاب : خلاص يا ام رفعت انا طلعت معاش النهارده تصوری بعد سنین الشغل دی کلها هاقعد فی البیت جنب ابویا علی الکنبة دی وافکر فی اللی فات

الام : بعد الشر عليك يا حبيبى انت الحمد لله لسة بصحتك وتقدر تشتغل في اى مكان تاني

الآب : يالله كله على الله

إخلاص : سوسو نامت خلاص البنت دى مش عارفة بتعمل في نفسها كده ليه

الأم : والله يابنتي ما أنا عارفة ربنا يهديها ويسترها معاها

الأب انا هقوم اريح شوية وصحينى على صلاة المغرب

الأم عينى نوم العوافي

في هذه الاثناء يرن جرس الباب ليدخل الإبن عادل إلى المسرح عائدا من عمله مهموما نكدا يلقى التحية على الجميع (الام وإخلاص والجد والجدة)

> و السلام عليكم عادل

يرد الجميع التحية وتسأله الأم

ن مالك يابني في ايه؟ الام

مفیش یا ماما بس سمعت خبر کده من واحد زمیلی عادل في أمن الدولة قلقني شوية بس لسة هتأكد منه من عصام هو فين عصام؟

و عصام يابني من ساعة ما نزل يصلي الظهر الام مارجعش قال هيدي درس في المسجد بعد الصلاة وأهو العصر كمان اذن ولسة مارجعش أنا مش عارفة الواد ده جراله إيه!!!

و طیب یا اما أنا هادخل أغیر هدومی یکون وصل عادل واشوف الموضوع ايه بالظبط

> ويجيب العواقب سليمة الأم

: ينصرف عادل إلى الداخل في حين تجلس الأم وإبنتها إخلاص يفكرون فيما قاله عادل

ياترى في إيه؟ أمن الدولة عايزين منه إيه؟ يارب ما الأم يكون أتورط في حاجة

> إن شاء الله خيريا أما متقلقيش اخلاص

الأم : ياريت يابنتي ربنا يسترها

يرن جرس الباب تذهب إخلاص لتفتح الباب ليدخل عصام عائدا من المسجد

عصام : السلام عليكم

ترد الأم وإبنتها وعليكم السلام ورحمة الله وبركاته

الأم : إنت كنت فين يابنى إتأخرت ليه كده إنت قولت هتصلى الظهر وترجع

عصام: يأمى الجلوس في المسجد يريح النفس والقلب وانتظار الصلاة بعد الصلاة من العبادة

الأم : وإنك تراعى أبوك وأمك وإخواتك مش عبادة طيب أنت غيبت عننا شهور ورجعت كده لا أحناعارفين كنت فين ولا مع مين ولا كنت بتعمل إيه وده ما يقلقش أى أم وأب

عصام : يا أمي أنا وجدت طريق الفلاح طريق الجنة وأتمنى من الله لكم جميع الهداية ولن أرجع إلى ما كنت عليه سابقا

يخرج الأن عادل بعد أن قام بتغيير ملابسه ليجد عصام ويسمع حواره مع أمه

عادل : وإيه بقى طريق الفلاح اللي وجدته يامولانا الشيخ عصام

عصام : طريق بعيد كل البعد عنك وعن زملائك يارجل الدخلية

عادل : مش فاهم كلمنى كويس وقولى أنت بتعمل إيه ويتوع أمن الدولة متابعينك ليه؟

عصام : تقصد أزناب السلطة وزبانية جهنم

عادل : إتكلم كويس يا عصام وعرفنى عايزين منك إيه وأنت بتعمل إيه بالظبط أنا عايز أساعدك

عصام : لا أريد منك أي مساعدة وإن شاء الله قريبا سيحق الله الحق ويزهق الباطل

عادل : يعنى أنت خلاص كده مش ناوى ترجع عن الطريق ده

عصام : أرجع ههههههههههههههههههههههههههههههه هداكم الله أجمعين

عادل : طيب خد بالك أنك ممكن يتقبض عليك النهارده لأان زميلي بلغني أنك متراقب وكل اللي معاك وبيجهزوا للقبض عليكم جميعا

عصام : لا تقلق لن تصل إيديهم إلينا

عادل : أنت شايف كده؟

عصام: نعم وبإذن الله سينصرنا الله عليكم... أنا كنت قد إنتويت مغادرة المنزل باكر ولكنى ساغادر الأن وأدعو الله العلى القدير أن يلهمكم الرشد وأن يهديكم إلى سواء السبيل

الأم : هتروح فين يابني؟ وأنت بتعمل فينا ليه كده؟

عصام : أطمئنى يا أماه ألا إن جند الله هم الغالبون أستودعكم الله ثم ينصرف

عادل : إبنك ده مش هيرتاح غير لما يودينا كلنا في دهية

الأم : استرها يارب من عندك سترك يارب

ويغلق الستار لينتهى المشهد الأول من الفصل الثانى

المشهد الثاني

يفتح الستار على مسرح خالى من كل شئ الا الديكور النور خافت جدا يكاد يكون منعدم تدخل الأم (أم رفعت) إلى المسرح وهى تقول.....

الأم : الله يرحمك يابا أنت وأمى روحتوا وسيبتوا فراغ كبير كنتم عاملين حس للبيت الله يرحمكم

سبوسو : ایه یا ماما هی الدنیا بقت عاملة کده لیه فین الحواتی وفین بابا فین الروح اللی کانت فی البیت من یوم عصام أخویا ما غاب وماتت تیتة وجدو الدنیا بقت مفیهاش روح حتی الفیس واصدقائی علی الفیس کل شئ مبقاش فی ای روح

الأم : خلاص يا سوسو البركة راحت مع تيتة وجدو وهم عايشين كنا بنتضحك على كلمهم وأفعلهم ودلوقتى بنقول ياريت كانت ايامهم دامت

إخلاص : ماما ياماما انت فين يا ماما

الام : انا هنا يا اخلاص تعالى يابنتى

إخلاص : مش عارفة يا ماما حاسة إن في حاجة كبيرة هتحصل النهارده انا قلقانة ومش مطمنة خالص

الأم : إن شاء الله خير يا بنتى إن شاء الله خير

يرن الأن جرس الباب تذهب إخلاص لتفتح الباب لتجد الاستاذ (عبد الرحمن) ووالدته على الباب ترحب بهم وتدعوهم إلى الدخول....

إخلاص : أهلا أهلا استاذ عبد الرحمن أهلا يا حاجة التفضلوا

عبد الرحمن : هي دي إخلاص يا ماما

أم عبد الرحمن : بسم الله ما شاء الله باین علیها بنت حلال یا بنی رینا یتمم بخیر ان شاء الله

أم رفعت : أهلا وسهلا يا جماعة أتفضلوا أتفضل يابنى أتفضلي يا حاجة

أم عبد الرحمن: اهلا بيك يا حبيبتى والله أبنى ما بطل كلام عليكم من أول ما عرفكم بس أحنا كان عندنا شوية ظروف كده أخرتنا في الزيارة شوية إنما كل شئ بمعاد زى ما بيقولوا

أم رفعت : أنتم تشرفونا في أي وقت البيت بيتكم أهلا وسهلا

أم عبد الرحمن : طبعا يا حبيبتى إحنا جايين نطلب ايد بنتكم إخلاص لإبنى الوحيد عبد الرحمن ونتمنى إنكم ما ترفضوش طلبنا ده

أم رفعت : يا ألف مرحب بيكم احنا يشرفنا عبد الرحمن ابننا ومن يوم ما شوفناه وهو دخل قلوبنا والله باين عليه شاب مستقيم وتقى ويعرف ربنا كويس

أم عبد الرحمن: يبقى خلاص ربنا يتمم بخير

أم رفعت : إن شاء الله الاستاذ شفيق جااى كمان شوية وإخواتها كمان يرجعوا من أشغالهم ونقعد ونتفق

عَلَى كُلُ شَيٍّ وَرَبُّنَا يَتُمْمُ بَخْيِرُ إِنْ شَيَاءُ اللهُ

يرن جرس الباب تذهب إخلاص لتفتح الباب لتجد والدها تبادره

إخلاص : أهلا أهلا يابابا حمدالله ع السلامة

الأب : الله يسلمك يا بنتى

إخلاص : عندنا ضيوف يابابا

الاب أهلا وسهلا ياترى مين؟

يدخل الاب ليرحب بأم عبد الرحمن وعبد الرحمن

عبد الرحمن : معلش يا عمى جينا من غير موعد سابق

الأب : لا أبدا يابني أنتم تشرفوا في أي وقت البيت بيتكم

عبد الرحمن : تعييش يا عمى في الحقيقية أنا جاى طالب ايد

بينتكم إخلاص

الأب إيد إخلاص؟ يا ألف مرحب يا بنى اهلا وسهلا

عبد الرحمن : أنا يا عمى موظف فى الكهرباء ومرتبى كويس جدا الحمد لله وإنا مليش فى الدنيا غير أمى ربنا يخلهالى وعندى شقة كويسة وواسعة وفى مكان محترم فى وسط البلد وجاهزة من مجاميعه ومش ناقصها غير تنورها بنتكم وتشاركنى حياتى بما يرضى الله

الأب

ما شاء الله ربنا يتمم بخير يابنى إن شاء الله تكون قدم السعد عليك وتعيشوا حياة سعيدة ان شاء الله زغرتى يا ام رفعت زغرتى يا ام عبد الرحمن الحمد لله الفرح راجع لبيتنا من جديد ومش اى فرحة.

مع إنطلاق الزغاريت

يرن جرس الباب من جديد تسرع سوسو لتفتح الباب لتجد أخوها عادل يدخل مسرعا بابا فين بابا؟ يا بابا يا بابا

الآب : خير يابني انا هنا في ايه؟

عادل : تعالى يابابا عايز أأقولك على حاجة

الأب طيب مش تسلم على الناس الأول الأستاذ عبد الرحمن والست والدته الاستاذ عبد الرحمن جاى يخطب أختك إخلاص

عادل : اهلا وسلهلا يا استاذ عبد الرحمن أعذرنى الموضوع كبير استأذنكم ادخل انا وبابا جوه خمس دقائق

عبد الرحمن : خير إن شاء الله خير... ايوه طبعا اتفضلوا

يدخل عادل ووالده الى الداخل ليخبره خبر القبض على الدكتور اشرف فى عيادته أثناء قيامه بعمليات إجهاض بعد أن أبلغت عنه زوجته الأولى إنتقاما منه لزواجه بشريفة عليها

يخرج الأب في حالة حزن شديد يسأله عبد الرحمن عن سبب حزنه هذا ليخبره بما حدث بعد أن بقول له

يا عبد الرحمن أنت يابنى مبقتش غريب ولازم تعرف كل شئ الخبر اللي جايبه عادل هو خبر القبض على الدكتور اشرف زوج بنتى شريفة زوجته الأولى بلغت عنه أنه بيجرى عمليات إجهاض في عيادته وتم القبض عليه متلبس اليوم

لا إله إلا الله ربنا يسترها وإن شاء الله تيجي عبد الرحمن سليمة

كان لازم يحصل كده ومن زمان كل طريق غلط الأب لابد له من نهاية وهي دى النهاية المنطقية للطريق ده

. طيب يا عمى أنا هستأذن دلوقتى أنا وأمى وأجي عبد الرحمن لحضرتك في وقت تاني يكون مناسب

لا يا أبنى أنت خلاص بقيت مننا والفرحة إلا الأب دخلتها بيتنا النهارده تغطى على أى حزن ممكن يكون ده حكم ربنا والحمد لله على كل شئ

طيب يا عمى ممكن نكتب الكتاب أمتى الوقت اللي عبد الرحمن يناسبكم أنا جاهز ومستعجل كمان

شوف رأى العروسة وحدد معاها هي قاعدة الأب وسامعة وقت ما تحبوا ربنا يسعدكم ويفرحكم

طيب يابابا أنا هاروح أشوف شريفة وأقف معاها عادل يمكن تكون محتاجة حاجة

الأب

الأب ويسترها معاك

فى هذه اللحظة يرن جرس الباب يذهب عادل ليفتح الباب فإذا بها شريفة تحمل حقيبة سفر كبيرة تضم جميع متعلقاتها تعود تجر اذيال الخيبة والندم

عادل اهلا ياشريفة انا لسة كنت جايلك حالا

شريفة تسلم يا حبيبى انا اللي جيت (والدموع تملئ عينيها)

الاب اهلا يابنتى تعالى ادخلى بيتك ومطرحك

شريفة : ربنا يخليك لينا يابابا احنا فعلا ملناش غيرك في الدنيا دي

الدنيا دي

الاب على سلمى على الاستاذ عبد الرحمن والست والدته عريس اختك أخلاص ناس محترمة وكمل

شريفة اهلا وسهلا والف مليون مبروك متأسفة يا جماعة تعبانة شوية استأذنكم ادخل ارتاح شوية

الأب الخلى يابنتى الخلى ربنا كريم وقادر يفرج همك ويريح قلبك ان شاء الله

. تدخل شریفة وهی تبکی بکاء حار ندما وخجلا

الاب الخميس اللي جاى يعنى بعد ثلاثة ايام وان شاء الله تاخد عروستك وتروحوا معلش مش هنقدر نعملكم فرح بس انتم افرحوا زى ما انتم عايزين وفرحة العريس عروسته ولا ايه؟

عبد الرحمن : زي ما تشوف حضرتك يا عمى

ينصرف عبد الرحمن ووالدته على وعد بالحضور يوم الخميس عصرا لعقد القران

الام عبروك يا اخلاص يابنتى الف مبروك والحمد لله ان جه اليوم واشوفك في بيت جوزك وعبد الرحمن راجل ومحترم وبيقدر الناس وبنت الناس الطيبين

إخلاص : الله يبارك فيك يا ماما انا هدخل اشوف شريفة

الام اليه اللي حصل الام اللي حصل

عادل القابل واحد زمیلی کنت موصیه یعرف لی ای اخبار عن عصام و عدنی انه یعرفنی النهارده کل شئ

الاب : روح يابني ربنا يطمنا عليكم كلكم يارب وانا هاقوم اريح شوية اصلى حاسس انى تعبان قوى

ينصرف الجميع لتدخل سوسو الى المسرح

معقول ياناس يبقى حال الدنيا بالشكل ده كل الناس عارفةالصح وعارفة الغلط لكن بتروح للغلط قاصدة وترجع تشتكى وتقول مش عارفين نعيش والعيشة بقت صعبة كل شئ الانسان بيعمله لازم يكون له رد فعل واللى بيصبر دايما بينول وبيكون له جزاء على قد عمله وصبره والعيلة مش عدد من الناس وأكل وشرب ونوم العيلة دفا ومحبة وخوف واهتمام كل واحد منهم على التانى العيلة الفة ورباط بيربط كل افرادها ببعضهم فى الفرح والحزن والبيت وطن افرادها يبعضهم فى الفرح والحزن والبيت وطن عشان يبنيه وانا لازم الكل يعمل عشان عنه ويحميه ولازم الكل يعمل عشان يبنيه وانا لازم اتعلم من أخطاء أخواتى لازم

سوسو

اغير من حياتى واشوف بكره اللى جاى واعمل علشان يكون زى ما انا عايزة اكون فيه يدخل سمير الى المسرح

سمير

: ايوه يا سوسو عندك حق فى كل كلمة قولتيها مش لازم نسلم لليأس ونستسهل الكسل ونعيش كده كل واحد مننا فى وادى امال ازاى بنقول اخوات

سوسو : يبقى لازم نصلح من نفسنا ونعدل من سلوكياتنا ونقرب من بعض اكتر واكتر

فى هذه الاثناء تخرج الام تبكى لما حدث لابنتها شريفة يلتف حولها سوسو وسمير لأول مرة يربطون على كتفيها وهى تحتضن اولادها فى مشهد لم يتكرر من قبل تنضم لهم اخلاص يرن جرس الباب بشكل مستفز تذهب أخلاص لتفتح الباب فإذا به رفعت يدخل فى عجلة كالعادة ويبادرها

ر فعت

إخلاص : هو انت دايما كده يارفعت مش هتتغير ابدا؟

ایه نایمین علی ودانکم ولا ایه؟

ر فعت عده ازای یعنی؟ واتغییر لیه؟

سوسو : تتغير زى اى حد ما بيتغير تعمل الصح والمفروض يا أبيه

سمير : ايوه يارفعت كلنا لازم نتغير وكفاية اللي جرى واللي حصل لينا إحنا اخوات وعايشين ولا كأننا أخوات كل واحد مننا عايش في وادى مع نفسه لا حد بينصح ولا بيحاول يصلح اى شئ

رفعت : معقول الكلام اللي بسمعه بوداني ده؟ ومين اللي بيتكلم سوسو وسمير جبتم العقل ده كله منين؟

سوسو : الإنسان اللي مايتعلمش من أخطاء اللي حواليه أكيد يبقى مش إنسان طبيعي

سمير : أيوه يا رفعت وكلنا عايشين نفس المشكلات ونفس الظروف وللأسف بنتأثر بيها لوقت محدد وبعد كده بننسى ونرجع زى ما كنا ويمكن اوحش

رفعت : تصوروا عنكم حق فعلا انا لازم اراجع نفسى فى كل شئ انا عمرى عدى منى وانا مستسلم لظروف كان ممكن تتغير من سنين لو كنت فكرت اغير من حالى كان زمان وضعى دلوقتى غير ويمكن كنت اتجوزت وعندى عيال كمان

الأم : طيب يارفعت ادخل لأختك وطيب خاطرها وواسيها لظروفها وربنا يابنى يهديكم ويحميكم ويبعد عنكم كل شر

رفعت : حاضر يا ماما

فى هذه الأثناء يستيقظ الأب من نومه بعد أن رأى فى منامه رؤية بأن شئ حدث لإبنه عصام الذى غاب عن المنزل منذ فترة ولا أحد يعلم عنه شئ يخرج الأب من حجرة نومه إلى الصالة مضطربا مذعورا يردد فى لهفة وقلق شديد اللهم أجعله خير استرها يارب داحنا غلابة وغلابة قوى كمان استرها يارب استرها يارب تم ينادى على زوجته أم رفعت

- الأب : ام رفعت أنت يام رفعت إنت فين ياولية تعالى عايزك
- الأم : ايوه يا ابو رفعت انا جاية اهوه.... وتخرج من المطبخ وهي تجفف دموعها بيدها
- الأب انا خايف قوى يا ام رفعت ولأول مرة فى حياتى احس انى قليل الحيلة ومش قادر أعمل اى شئ حاسس أنى ضعيف قوى
- الأم : خير بس يا اخويا ايه اللي حصل؟ إن كان على موضوع شريفة فده قدر ربنا وأحنا راضيين بكل اللي يجيبه ربنا
- الأب : ايوه فعلا كله بأمر الله كل شئ بأمر الله ربنا يسترها (ويرفض ان يفصح عما بداخله من مخاوف على ابنه عصام حتى لا يزيد من هم زوجته)

لينتهى المشهد الثاني

المشهد الثالث

يفتح الستار مع عودة الأب والأم وسوسو وسمير وعادل ورفعت وصالح وشريفة وفايق بعد عقد قران إخلاص وتوصيلها بيت زوجها عبد الرحمن ملامح الكل تحمل مزيج من الفرحة والحزن والقلق

الأب : الحمد لله ربنا كرمنا واطمنا على اخلاص عقبالك يا شريفة انت وسوسو وعقبال ما نظمن على عصام ويرجع بالسلامة

الأم : يارب وفي حياتك ان شاء الله يا حبيبي

: شريفة تصرخ فجأة من الام شديدة في البطن وتسقط على الارض مغش عليها في حالة إعياء شديد يسرع إليها الجميع ويتم نقلها إلى المستشفى لإسعافها يدهب الأم والأب وعدل معها إلى المستشفى في حين يتبقى رفعت وصالح وفايق مع سوسو وسمير بالمنزل

رفعت : اللي بيحصل ده شئ متوقع وعادى لازم كل واحد يشوف نتيجة عمله

صالح : أنا طول عمرى بأجرى وأدى دروس خصوصية وأجمع القرش فوق القرش وبأتعب نفسى وفى الأخر أنا لوحدى

لا زوجة ولا أبن ولا بنت والواحد بيكبر فى السن كل يوم هى دى تبقى حياة وبعدين المفروض يكون التعليم فى المدارس انا كمان نسيت رسالتى وخليت القرش غايتى وساهمت بشكل كبير فى مشكلة التعليم بدل ما أشارك فى حلها

سمير

لو كنا أتجمعنا وأتوحدنا مع بعض كنا عملنا عمل واحد كلنا نساهم فيه وكان حالنا بقى غير الحال

سوسو

الوقت لسه ما فاتش لسه فى أمل بس ربنا يرجع لنا عصام بالسلامة ونتجمع من جديد وهانعمل كل حاجة إن شاء الله

فايق

الأب

وأنا أنا من ضيع في الأوهام عمره سيبت نفسى للتيار لما خسرت كل شئ تعليمي وصحتى ونفسى أفتكرت أن التوهان هو الحل وأن المزاج هيخليني أعيش بمزاج عملت كل شئ غلط وأنا عارف ومتأكد أنه غلط سلمت نفسى للشطان وكأنى باهرب بدل ما أحاول أكون أحسن وأصحح أخطاء ورثناها في مجتمعنا لازم كل واحد مننا يبدأ بنفسه لوعايزنها تبقى أجمل

يرن جرس الباب ليدخل الأب مع رفعت عائدين من المستشفى يقابله الجميع في لهفة وتوتر لمعرفة ماذا حدث لشريفة يجيب

: أطمئنوا يا ولاد شريفة عملت عملية إجهاض للجنين اللى فى بطنها لأنه كان مات بالفعل والحمد لله هى هتتحسن وتكون بخير بس ربنا أراد أنها تشوف اللى كان غيرها من البنات بتشوفه وهم بيعملوا عمليات الإجهاض....

عادل : يابابا أنا في أخبار عندى مش حلوة بس لازم أاقولها علشان تخص عصام

الأب : خير يابنى قول وينتبه الجميع لما سيقوله عادل

عادل : النهاردة تم القبض على خلية إرهابية كبيرة كانت بتخطط لعمليات تفجير وتدمير منشأت حيوية في البلد وللأسف من ضمن أفراد الخلية دى (عصام) خويا بس هو قدر يهرب وما تقبضش عليه بس هو مدان بشكل كبير في التخطيط لهذه العمليات والإدانة بالصوت والصورة ولكن هو قدر يهرب ومعاه بعض الأفراد من الخلية ومن المنتظر انهم يقوموا بعمل إرهابي لمحاولة تهريب إخوانهم المقبوض عليهم وأنا النهارده حذروني في الوزارة بأنهم هينهوا خدمتي واطلع معاش لدواعي أمنية في حالة عدم تسليم عصام نفسه واللي معاه

الأب ! لا إله إلا الله والعمل يابني؟

عادل : انا هاحاول اعثر عليه بأى شكل ومعليا بعض زملائى اللى عليزين يخدمونى ويمكن القدر القبض عليه واسلمه بنفسى ساعتها يمكن اقدر احافظ على وظيفتى وعليكم

رفعت : انت عايز تقبض على اخوك وتسلمه ياعادل علشان تحافظ على وظيفتك

عادل

يارفعت عصام كده كده ضايع خلاص انا حولت معاه كتير بس هو أصر أنه يمشى فى السكة دى والسكة دى دايما سكة الندامة وعلى فكرة من ضمن المنشأت اللي كان متخطط لتفجيرها الإدارة اللي انا فيها يعنى هو كان ناوى يموتنى انا وزملائى وانا اخوه يا رفعت ولو اى حد منكم في موقع من المواقع دى او منشأة من المنشأت دى كان هيكون ضمن ضحاياه عصام اصبح حد تانى مش منتمى لعيلة ولا لبلد ولا لاى حد غير اللي بيشغلوه من مكانهم لتحقيق اهداف خاصة بيهم هم

الأب

لا حول ولا قوة إلا بالله لازم أضحى بحد من ولادى علشان باقى الولاد تقدر تعيش كان يجرى إيه لو كانت الولاد كلها عارفين قيمة العيلة وإتجمعوا مع بعضهم يكبروا العيلة ويعيشوا حياتهم فى امان وسلام وسعادة ليه كل واحد فيهم عايش لنفسه وبس ليه كل واحد فيهم بيفكر يكون لوحده احنا لو اتجمعنا ووحدنا جهودنا كان الكل عاش فى نعيم ولا حد فيهم شرد بعيد ولا تاه فى الطريق وراح فى سكة الندامة

عادل

: معلش یا بابا انا مضطر أنزل دلوقتی أأدی واجبی ویمکن لأول مرة أحس إن علیا واجب لازم أادیه ثم ینصرف عادل مسرعا

يجلس الأب وباقى الأبناء فى تجمع ربما لأول مرة يلتف الأبناء حول الأب والأب يبكى في إنتظار أخر الأخبار لمن هي في المستشفى ولمن هو شارد في طريق الضلال ولمن يبحث عن تأمين وظيفته بعد أن شعر بالخطر لأول مرة

لينتهى الفصل الثاني

الفصل الثالث

المشهد الأول

المسرح منزل الأستاذ شفيق عبد المتجلى الإضاءة خافتة يظهر على المسرح الجد والجدة في زى أبيض وكأنهم أشباح عائدة من العالم الأخر

إنت عارفة يا ام شفيق أنا حاولت أربى شفيق على الإخلاص والضمير حاولت طول حياتى إنى أعلمه يعتمد على نفسه ويكون مثل أعلى لأولاده ينمى فيهم الوطنية وحب الناس والعمل دايما لصالح الغير وأنه يعيش طول عمره يبنى بس مش عارف الخطا جه منين ليه ساب أولاده يكونوا بالشكل ده يمكن عشان كان هو وحيد مكنش قدامنا غيره يمكن علشان كان قدام عنينا ليل نهار معاه الحرية نعم بس تحت عنينا طول الوقت

ا ايوه يا اخويا هو كان وحيد ملاناش غيره بس هو خلف كتير تقل على نفس الحمل وبقى عامل زى الطور اللى مربوط فى ساقية يشتغل طول النهار ويشقى علشان يربى العيال وماصدق إنهم كبروا شوية ساب كل واحد فيهم يمشى فى الطريق لوحده

الجدة

الجد

قال علشان يساعدوه وكل واحد منهم يتحمل مسئولية نفسه بس هم كانوا لسة وسط الطريق كانوا لسة محتاجين رعاية وتربية يمكن يكون هو استعجل شوية عليهم

الجد : انا بيتهيألى ان الحياة اتغيرت بسرعة يمكن يكون اتصدم من التغيير المفاجئ للحياة والدنيا يمكن يكون معذور الولاد الكتير وتغير الحياة وتطورها بشكل سريع ومفاجئ خلته زى اللى مضروب على دماغه لا هو واعى ولا فاقد الوعى

الجدة : بس احنا كنا معاه لحد قريب

الجد : كنا معاه ازاى بس انا عمال افكر فيكى تيجى الخلصلك الورق ونتغدى واعرض عليك الزواج وانت كنت بترجعى الشريط لورى جبتيه من الثانوية للإبتدائية وبعدين سيبناه وموتنا هههههههههه

الجدة : ايوه عندك حق يا خويا ربنا يخليك لينا يارب يا ابو شفيق

الجد : يووووووووووووووانت نسيتى تانى يابنتى الجد احنا موتنا خلاص هيخلينى فين تانى

يضاء المسرح بشكل مفاجئ ليختفى الجد والجدة ويفتح الباب ليدخل الاب والام وشريفة عائدين من المستشفى

الأم : حمد الله ع السلامة يا حبيبتى نورتى بيتك

شریفهٔ : الله یسلمك یا ماما انت وبابا ربنا یخلیكوا لیا یارب انا من غیركم مش عارفة كنت هاعمل ایه

الأب : الحمد لله يابنتى انها جت على كده بس ياريت نتعلم من أخطأنا ونحاول نصلح من وضعنا وحياتنا

شريفة إن شاء الله يابابا أمال فين إخواتى؟

الأم : هتلاقیهم لسة نایمین

الأب قومى يا أم رفعت شوفيهم وصحيهم عايزين نقعد نتغدى سوا بقلنا كتير مقعدناش ع السفرة مع بعض

الأم : حاضر يا خويا

فى هذه اللحظة يفتح الباب مرة أخرى لتدخل سوسو عائدة من المدرسة بزى المدرسة

سوسو : السلام عليكم حمد الله ع السلام يا شريفة

شريفة : الله يسلمك يا حبيبتى

الأب : انت كنت في المدرسة يا سوسو

سوسو : ايوه يا بابا وكل يوم هاروح المدرسة وهارجع أذاكر وإن شاء الله أعوض كل اللي فات

الام : الحمد لله يا بنتى ربنا يهديك ويوفقك

سوسو وسمير أخويا إشتغل مع الأسطى حسن النقاش وبقى معلم قد الدنيا وبيرجع بعد المغرب كل يوم

الأم : سمير إشتغل نقاش؟

الأب : الحمد لله ربنا يكرمهم كلهم ورفعت فين؟

سوسو : رفعت بقاله يومين مابيجيش البيت ولا نعرف عنه اى حاجة خالص

الأب : ربنا يطمنا عليهم كلهم أنا هقوم اريح شوية في أوضتى علشان حاسس إنى تعبان قوى

سوسو : وأنا هادخل المطبخ أجهز لكم لقمة علشان الغدا

الأم : هتدخلى فين يا سوسو

سوسو : المطبخ يا ماما أنا هاعملكم أحلى أكل ممكن تكلوه

شريفة طيب يا حبيبتى أنا هادخل أرتاح شوية على ما تجهزي الغدا

الأم : وأنا هاغير هدومي وأجي أأقف معاكى في المطبخ يمكن تحتاجي منى أساعدك في حاجة

سبوسبو : الله الله على الحياة حاسة أن كل شيئ إن شاء الله هيكون جميل

ينصرف الجميع من المسرح وتنخفض الإضاءة ليظهر من جديد الجد والجدة

الجد : إنت سمعتى يا أم شفيق اللي أنا سمعته؟

الجدة : أيوه يا خويا الظاهر إن كل شئ بيتغير في البيت ده

الجد : سوسو هتدخل المطبخ وهتطبخ كمان هو احنا بقالنا كتير ميتين و لا أيه؟

الجدة : الظاهر كده سبحان مغيير الأحوال

الجد : بس شفيق صعبان عليا قوى حاسس انه قرب ييجى معانا عمال ياعيني ياخد كل خبطة وأختها

الجدة : ييجى معانا فين ياراجل ربنا يديلوا الصحة وطول العمر

الجد : طب تعالى نروح نطمئن عليه وهو نايم ونشوفه

الجدة : يلا بينا والله وحشنى قوى

يضاء المسرح من جديد مع رنة جرس الباب لتسرع سوسو لتفتح الباب

يدخل رفعت الى المسرح وتسأله سوسو في لهفة شديدة

سوسو : ایه یارفعت انت کنت فین؟

رفعت : اخباركم ايه ياسوسو وفين بابا وماما؟

سوسو : احنا كلنا كويسين الحمد لله. أنت كنت فين بقالك يومين؟

رفعت : انا لاقیت شغل یا سوسو فی الوادی الجدید وروحت استلمت الشغل وجای اخد حاجاتی واسافر تانی

سوسو : بجد يارفعت لاقيت شغل واشتغلت الحمد لله دا بابا هيفرح قوى بالخبر ده

رفعت : الحمد لله المكان هناك جميل جدا دنيا تانية مفيش زحمة وكل شئ متوفر هناك لاقيت سكن وناس طيبين قوى ويمكن اعيش هناك على طول وكلام في سرك يمكن اتجوز هناك كمان

سوسو : الله الله الله اخبارك كلها جميلة خالص النهارده تخرج الأم لتجد رفعت في الصالة تسلم عليه

: ازیك یارفعت یا ابنی عامل ایه وکنت فین؟

رفعت : ازیك انت یاست الكل انا كنت فی الوادی الجدید لاقیت وظیفة هناك واستلمت الشغل فعلا وجای اخد بقیت حاجاتی ومسافر تانی بكره ان شاء الله

الأم الحمد لله يابنى ربنا يكرمك ويوفقك أنت وأخواتك يارب

سوسو : وكمان يا ماما شاف عروسة هناك بركيله هههههه

الأم : بجد يارفعت ألف مبروك يابنى

الأم

رفعت : الله يبارك فيكى يا ماما ياست الكل أنت يا قمر... هو بابا فين؟ نايم ولا أيه؟

الأم : ايوه يابني مريح شوية الله يكون في عونه

رفعت : ومفيش أخبار عن عصام؟

الأم عادل أخوك بقاله فترة بيدور عليه وللاسف لحد دلوقتى مفيش اى أخبار عنه ربنا يهديه ويرجعه بالسلامة

: في هذه الأثناء تخرج شريفة من غرفتها وتسلم على رفعت

شريفة : حمد الله ع السلامة يارفعت

رفعت : الله يسلمك ياشريفة حمد الله على سلامتك انت عاملة ايه دلوقتي يا حبيبتي؟

شريفة الحمد لله بخير كل اللي يجيبه ربنا كويس الحمد لله

رفعت : الحمد لله... إنت عرفتى أخر أخبار الدكتور أشرف؟

شريفة : ايوه يا حبيبى عرفت. عرفت انه إتحكم عليه بخمس سنين سجن وتم شطبه من نقابة الأطباء ومنعه من مزاولة المهنة

رفعت : ايوه يا شريفة وكمان بعتلك ورقة طلاقك عن طريق القسم وانا استلمتها وانت فى المستشفى وكده انت حرة ولازم تبدئى من جديد والحمد لله ان الحمل كمان مكملش

شريفة : وهى تبكى بكاء حارا.... ايوه يارفعت الحمد لله ربنا قدر ولطف وانا إتعلمت الدرس كويس إن الإنسان لازم يرضى باللى ربنا قسمه وما يطمعش في الدنيا لانه مش هياخد اللى المكتوب له

في هذه الأثناء يستيقظ الأب ويخرج إلى الصالة يرحب برفعت

الأب ع السلامة يارفعت إيه يابني انت كنت فين؟

رفعت : انا يابابا لاقيت شغل في الوادى الجديد وأستلمت الشغل خلاص وهاعيش هناك لاقيت سكن وناس طيبين قوى وهناك كمان عروسة يمكن تكون هي شريكة حياتي

الأب الحمد لله ربنا يطمنا عليكم جميعا وألف مبروك ربنا يتمم لك بخير...ومفيش أخبار عن أخوك عصام؟

رفعت : ابدا يابابا

الأب أنا حاسس إنى مش هشوفه تانى.... حاسس أنه خلاص راح في سكة مفهاش رجوع

الأم : بعد الشريا خويا إن شاء الله ربنا يهديه ويرجع لينا بألف سلامة

الأب : يارب أتمنى والله وبدعيله من كل قلبى ربنا يهديه نظريق الخير ويرجع لينا من جديد

الان يرن جرس الباب من جديد تذهب الام لتفتح الباب ليدخل صالح

صالح : السلام عليكم

الجميع : وعليكم السلام ورحمة الله وبركاته

صالح : الحمد لله إنكم كلكم هنا أنا عايزكم في موضوع مهم حدا

الأب : خير يابني اللهم اجعله خير

صالح : الحمد لله خير يا بابا... انا إن شاء الله مسافر الكويت جالى عقد عمل هناك أنا ووحدة زميلتى وإتفقنا نتجوز ونسافر على طول فى خلال شهر من النهارده

الأم : الف مبروك يابنى يعنى خلاص هتتجوزوا انت ورفعت ماشاء الله الفرح جاى كله مرة واحدة

الأب : ألف مبروك يابنى بس موضوع السفر ده ضرورى؟

صالح: ان شاء الله سنة او اتنين يا بابا واجى اعمل

مشروع واستقر هنا ان شاء الله

الاب الف مبروك وربنا يوفقكم جميعا للى فيه الخير

يتجمع الجميع حول الأم والأب رفعت وصالح وشريفة وسوسو في جمع بين الفرحة والحزن والقلق

لينتهى المشهد الأول

المشهد الثاني

نفس الديكور الإضاءة خافتة جدا يظهر الجد والجدة من جديد في زيهما الأبيض

الجد

و غريبة الدنيا والله الناس اللي عايشة فيها مش حاسة بأي شئ لا هي عارفة تفرح ولا هي عارفة تحزن ودايما خايفة من بكره رغم إن لو كل واحد عمل اللي عليه بضمير واللي المفروض انه يكون كل شئ هيمشي زي الساعة مظبوط قوى العيال كتير صحيح عزوة.... بس لو كل واحد فيهم فكر في نفسه بس وما مدش ایده یبنی مع اخوه محدش منهم هیعمل أى شىئ الله يكون فى عونك ياشفيق يا بنى

الحدة

انا شايفة أنهم بالفعل أتغيروا..... وإن كل واحد فيهم بدأ يفكر في العيلة وفي البيت..... وإنهم إن شاء الله هيكونوا بخير.... إللي خلى سوسو تدخل المطبخ وتروح المدرسة وتسيب الفيس تقريبا خالص... وسمير نسى وهم إنه فنان تشكيلي وإشتغل نقاش... ورفعت ساب النصب وفكر أنه يشتغل في مكان جديد وفكر انه يتجوز ويبدأ حياة جديدة... وصالح كمان فكر في شئ جديد يطور من حياته وفكر انه يتجوز ويستقر وسفره علشان يرجع يبنى أمل جديد..... وشريفة إتعامت م الدرس وندمها حقيقي على كل شئ عملته في الماضي

الجد : صحیح بس ده مش کفایه لازم یحاولوا یتجمعوا مع بعض... لازم یکون هدفهم واحد... لازم یکون الهدف مصلحة الکل.... لحد دلوقتی التغییر شخصی... کل واحد بیتغیر مع نفسه لصالح نفسه یمکن مطلوب إن الأب والأم کمان یغیروا من نفسهم..... اللی انشغل یحاول یتفرغ شهویة للجمیع الکل یفرح مع الکل لصالح الکل الکل فیرن مع الکل لصالح الکل الکل فی احساسهم هیتشارکوا فی کل شئ و هیکونوا احسن و افضل بکتیر

الجدة : أيوه يا حبيبى عندك حق دايما أنت النور اللى بتنور لينا الطريق ربنا يخليك لينا ويديلك الصحة

يضاء المسرح ليختفى الجد والجدة ويرن جرس الباب من جديد

سوسو : حاضر ... حاااااااااااااطر ياللي ع الباب (تفتح الباب ليدخل عادل)

عادل : فين بابا ؟ فين بابا ياسوسو؟

سوسو : خير يا عادل في ايه؟

عادل : عصام یا سوسو عصام

سوسو : عصام أخويا ماله؟

عادل : جاتنى أخبار عنه إنه سافر ليبيا وإنضم لجماعته هناك

سوسو : وبعدين يا عادل لو بابا عرف هيموت فيها

عادل : امال لو عرف انهم رفدونی من شغلی علشانه کمان دمرنی وضیع مستقبلی

سوسو : رفدوك؟ طب ليه؟

عادل عاشان هو أخويا واللى بيعمله شئ بيرفضه الدين والقانون يا سوسو ويعتبر خيانة للوطن ومينفعش أخويا يبقى خاين وأنا راجل عسكرى المفروض إنى بأحمى البلد

في هذه الأثناء تخرج شريفة إلى المسرح

شريفة : أزيك ياعادل إيه يا خويا مالك؟

عادل : خير يا شريفة إن شاء الله خير

سوسو : وهي تبكي عصام يا شريفة عصام

شريفة : ماله عصام اخويا ماله حصله ايه؟

عادل : منه لله على اللي عمله واللي بيعمله فينا كلنا

شريفة : ايه بس يا عادل عمل أيه؟

عادل : سافر ليبيا أنضم هناك لجماعته الإرهابية واترفدت بسببه من شغلى وضيع مستقبلي وشردني

شریفة : وهو ه؟ خلاص کده ضاع؟ مش هیرجع تانی؟ یا حبیبی یا خویا و تبکی

تدخل الأم الى المسرح

الأم : ماله عصام ياولاد جرى له ايه؟

أنا قلبى بيقولى أنه جرى له حاجة وإنى مش هشوفه تانى

عادل : عصام ضيعنا وضيع نفسه خلاص يا ماما اختار يكون إرهابي وسافر ليبيا مع اللي هربوا معاه وانضموا لجماعتهم هناك

الأم : يعنى مبقاش في أمل في رجوعه يعنى خلاص أبنى ضاع

عادل ضاع وضيعنا معاه

يدخل الأب إلى المسرح بعد أن أستيقظ من نومه

الأب أيه يا عادل مفيش أخبار عن أخوك؟

عادل : ازیك یابابا عامل ایه؟

الأب : الحمد الله قولى أخوك ماله جرى إيه؟

عادل : والله يابابا أنا مش عارف القولك أيه عصام سافر ليبيا وانضم لجماعة إرهابية هناك

الاب : العوض على الله كده إبنى ضاع العوض على الله الله الله الله العوض على الله العوض على الله

شريفة : إهدى يابابا إن شاء الله خير

الأب : اااااااااه يا حسرة قلبي عليك يابني

الأم : ليه بس كده يا عصام داحنا طول عمرنا يابنى عايشين نرضى ربنا وفى حالنا وبنحب بلدنا ياترى ايه اللي خلاك كده

الأب : خلاص يا أم رفعت كفاية كده كفاية

يرن جرس الباب تذهب سوسو وهى تبكى لتفتح الباب فإذا بها إخلاص وعبد الرحمن

إخلاص : بابا فين؟ يابابا يابابا

الأب : خير يا أخلاص تعالى يابنتى

إخلاص : تنهار باكية ومعها ينهار الجميع وتقول (عصام

يابابا عصام)

الأب عصل له ايه مات يا إخلاص مات خلاص؟

إخلاص : ع التلفزيون جايبين صورته وإنه فجر نفسه

النهارده في عملية ارهابية

الأب : لا إله إلا الله... إنا لله وإنا إليه راجعون

ويسقط مغشيا عليه يلتف حوله الجميع في حالة من القلق الشديد وينادون بابا

لينتهى المشهد الثاني

المشهد الثالث

يرفع الستار على المسرح خالى وإضاءة خافتة ليظهر الجد والجدة من جديد في ثيابهما الأبيض

الجد

: تصورى يا ام شفيق عدى ثلاثة سنوات من ساعة عصام ما مات والعيال اللى سافر سافر واللى اتجوز التجوز وشفيق لسه زى ما هو مش مصدق اللى بيحصل من حواليه أم رفعت طلعت اجمد منه اتحملت الصدمات كلها وواقفة على حالها زى الأسد

الجدة

: هى الواحدة لما تكون أصيلة ومؤمنة بيبان عليها يا ابوشفيق وهى طول عمرها كانت مراعيانا ومهنيانا وكانت بتعاملنا زى أبوها وأمها تمام

الجد

ربنا يكون في عونهم ويقويهم أنا سمعت إن إخلاص خلفت جابت توأم ولد وبنت سمت الولد عصام والبنت سعاد على أسم أمها سبحان الله العظيم صبرت وربنا جــزاها خير الحمد لله ورفعت كمان اتجوز وخلف كمان وشكله قرب يرجع م الكويت وعادل اشتغل في التجارة بعد ما ترفد م الشرطة وسمير كمان بقي مقاول كبير وشغال في المدن الجديدة بياخد شغل لحسابه ومعه اسطوات وشريفة اتجوزت واحد من دولة عربية وسافرت معاه وفايق بقي في اخر سنة في كلية

الحقوق وسوسو كمان دخلت الجامعة يعنى الحمد لله الدنيا بدأت تتعدل معاهم بس شفيق خلاص

الجدة : خلاص ایه؟ انا مش عارفة أنت مستعجل علیه لیه كده بكره إن شاء الله هیكون كویس ویروق ویرجع احسن من الأول یاراجل

الجد : انا مستعجل عليه يا ولية؟ دا أبنى اللى محلتيش غيره أنا بس صعبان عليا اللى هو فيه

الجدة طب تعالى نمشى بقى ونسيبهم يعيشوا حياتهم إحنا إطمنا عليهم وخلاص

الجد عندك حق تعالى نشوف حالنا بقى انا وانت هههه

يضاء المسرح مرة أخرى ليظهر الاستاذ شفيق يجلس على الكنبة مكان والده ويحدث نفسه

شفيق : الله يرحمك يابا علمتنى كتير فى حياتك وأنا اللى نسيت شعلتنى الدنيا ولقمة العيش وأهملت جزء كبير من دورى والولاد كمان كانوا كتير وهمومهم أكتر بس الحمد لله على كل شئ

أم رفعت : صباح الخير ياأبورفعت عامل ايه يا خويا النهارده مش الحمد لله عن امبارح

شفيق : الحمد لله يا أصيلة كل اللى يجيبه ربنا كويس أنا بخير.... هم الولاد سوسو وفايق راحوا الجامعة

أم رفعت : ايوه يا خويا من بدرى ماشاء الله عليهم بقوا حاجة تفرح وإخلاص وجوزها وعيالها جايين يتغدوا معانا النهارده ورفعت إتصل هاييجي هو ومراته وابنه كمان

شنفيق : الحمد لله ربنا يبارك فيهم وفى اولادهم بس لازم ياخدوا بالهم من أولادهم وما يكرروش أخطأنا إحنا عاملين زى إللى إتخدوا غدر النور نور فجأة فى عيونا لحد ما خلانا مش شايفين كويس الدنيا جريت بسرعة من حوالينا بس إحنا عافرنا على قد ما نقدر والحمد لله على كل حال.

الأم : الحمد لله والبركة فى أولادنا وأحفادنا هم عليهم واجب إنهم يبنوا بكره اللى جاى بشكل أحسن وأفضل

يرن جرس الباب ليدخل سمير في هيئة جديدة هيئة رجل الأعمال ومعه رفعت وروجته وأبنه

سمير : أزيك ياماما وحشتيني قوى ياست الكل

الأم : سمير وحشتنى قوى يا ابنى وانت كمان يارفعت أهلا يابنتى اتفضلى تعالى يا حبيب تيتة نورت دنيتى كلها

رفعت وزوجته : أهلابيك ياماما إنت اللي منورة وانت البركة انت ويابا

الأب : يادى النور أهلا اهلا بالحبايب وحشتونى يا ولاد أهلا حبيب جدو تعالى في حضنى يا حبيبي

الجميع : أهلا بيك يابابا ربنا يخليك لينا يارب وما يحرمناش منك أبدا

رفعت أنا عندى ليكم مفاجأة جميلة جدا هتفرحكوا خالص هم خبرين أتنين صالح إتصل عليا وقال أنه جاى في

طيارة الساعة 12 الظهر النهارده هو ومراته وبنته

الام الله عليك يارفعت اخبارك كلها جميلة

رفعت : اما الخبر التانى شريفة جاية معاهم فى نفس التوقيت هتوصل فى نفس توقيت وصولهم وهييجوا مع بعض

الأم : الحمد لله الف حمد وشكر ليك يارب

الأب يارب طمنا عليهم ويوصلوا بالسلامة

يرن جرس الباب ليدخل فايق وسوسو راجعين من الجامعة ليبدأ فاصل من الترحاب بين الجميع والفرحة بأبن رفعت من الخال والخالة والجد والجدة وهنا يرن جرس الباب لتدخل إخلاص وزوجها وكل منهم يحمل طفل من التوأم لينالوا قسط أيضا من الترحاب وأطفالهما وقبل أن ينتهى هذا الموقف يدخل صالح وزوجته وإبنته وشريفة بعد عودتهم من السفر وشريفة حامل فى شهرها الأخير ليعم جو من السعادة والفرحة على الجميع

الحمد لله ياولادى أنكم أتجمعتم مع بعضكم ومعاكم وبينكم أولادكم أحفادى حبايب قلبى النهارده أنا بعتبره بداية جديدة لنا جميعا حابب أأقولكم كلمتين ياريت تحفظوهم وتعملوا بيهم باقية حياتكم ياريت تخلى همكم الأول والأخير تربية ولادكم الأبناء هم بكره واللى عايز يبنى بكره صح يربى أولاده صح علموهم اصول دينهم الصحيح علشان ماينجرفوش علموهم اصول دينهم الصحيح علشان ماينجرفوش

الأب

بعيد وياخدهم تيار يندموا وتندموا عليه بعد كده علموهم إن الوطن نعمة من ربنا حضن دافى يضم الكل لازم نعمل كلنا علشان يكون أحسن وأجمل مكان فى الدنيا وطول ما أنتم متجمعيين مع بعض هتكونوا قوة تقدروا مع بعضكم تواجهوا اى شئ فى الدنيا خافو على بعض وحبوا بعض بجد هيكون بكره أجمل وأحلى وياما هتقابلوا من مواقف صعبة ومشكلات علشان هى الدنيا حالها كده

ينتهى المشهد التالت وتنتهى المسرحية

تمت بحمد الله

إصدارات لفران دار النيل والقرات



للنشر والتوزيع 2017

إسم المبدع	عنوان الكتاب	م
ناجى عبد المنعم	ترتيل البوستات الصباحية لأنواع الحب ج. 3	1
ناجى عبد المنعم	ترتيل البوستات الصباحية لأنواع الحب ج. 4	2
ناجى عبد المنعم	العفريتة الشقية (مسرحية)	3
د. عبد الحليم هنداوي	المختصر المفيد في سيرة أهل بيت الحبيب	4
د. عبد الحليم هنداوى	في حب الله وعشق الأوطان	5
د. عبد الحليم هنداوي	طمى لا زبد وعبر للأبد	6
عبد الله الشوربجي	أبو الطيب المصرى (ج. 1) نصوص	7
عبد الله الشوربجي	أبو الطيب المصرى (ج. 2) نصوص	8
عبد الله الشوربجي	أبو الطيب المصرى (ج. 3) نصوص	9
عبد الله الشوربجي	أبو الطيب المصرى (ج. 4) نصوص	10
عبد الله الشوربجي	أبو الطيب المصرى (ج. 5) نصوص	11
جيهان عبد الرؤوف علوان	أنين الروح (أشعار)	12
السيد صابر	همسات (أشعار)	13
رضا ابو الغيط	أشجار الخوف (أشعار)	14
رضا ابو الغيط	الحلم بيكبر (أشعار)	15

إسم المبدع	عنوان الكتاب	م
رضا ابو الغيط	أشكرك (أشعار)	16
رضا ابو الغيط	أكفان الخوف (أشعار)	17
رضا ابو الغيط	تباشير الصباح (أشعار)	18
سمير موسى	وتر البكا (أشعار)	19
سمير موسى	مدمن ضرب (أشعار)	20
علاء الدين على	بيعدوا أملاكى (أشعار)	21
أسماء فريد	مشاكسات إبداعية (أشعار)	22
د. يسرى عبد الغنى	عن التواصل الأدبى بين الشعوب (دراسات)	23
عبد المنعم شرف	حميسة (مجموعة قصص قصيرة)	24
تهاثى فؤاد	نبضات أنشى بلا وطن (أشعار)	25
أسماء فريد	أميرى (أشعار)	26
ناجى عبد المنعم	جدلية التحول بين التمرد والإنتماء	27
ناجى عبد المنعم	رباعيات	28
ناجى عبد المنعم	ترنيمة لأنواع الحب (ثلاثية مسرحية)	29
ناجى عبد المنعم	أبو جلمبو في كوكب المرىء (مسرحية)	30
د عبد الحليم هنداوي	حاملة الورد (أشعار)	31
محمود هليل	إنكسار حرف (أشعار)	32
ناجى عبد المنعم	محاكمة ميت (مسرحية)	33
منى الغريب	حرفين وجع (أشعار)	34
سميرة محمودى	مين يسامح مين؟! (مسرحية)	35

إسم المبدع	عنوان الكتاب	م
سميرة محمودى	إهدى عليًا (سلسلة أغاني سميرة 2)	36
السيد محمد صابر	ياريت نحبِّك (أشعار)	37
السيد محمد صابر	الدنيا حالها كده (مسرحية)	38
ناجى عبد المنعم	ترنيمة لأنواع الحب (ثلاثية مسرحية)	39
سميرة محمودى	كان بيننا إيه (سلسلة أغاني سميرة 3)	40
سمير حماية	لا تذكريني	41
سمير حماية	مسرح خيال الظل	42
محمد الفلكي	أكبر وهم	43
محمد الفلكي	حب الوطن	44
محمد الفلكي	صمت المشاعر	45